

聖

唐會要卷第二十三

武成王廟

寒食拜掃 緣祀裁製

牲牢

忌日

諱

武成王廟

開元十九年四月十八日兩京及天下諸州各置太公廟一所以張良配享春秋取仲月上戊日祭諸州賓貢武舉人准明經進士行鄉飲酒禮每出師命將辭訖發日便就廟引辭仍簡取自古名將功成業著弘濟生人准十哲例配享至乾元元年九月十二日太常少卿于休烈奏臣一日因秋享漢祖廟見傍無侍臣享太公廟有張良在側伏以子房生於漢楚翊奉高祖坐籌帷佐天下考其年代不接太公自古配食廟庭陪葬陵寢皆取當時佐命同受哀

榮太公人臣不合以張良配享請移於漢祖廟勅旨依
上元元年閏四月十九日勅文定禍亂者必先於武德極
生靈者諒在於師正昔周武創業克寧區夏惟師上父實
佐興王沈德有可師義當禁暴稽諸古昔爰崇典禮其太
公望可追封為武成王有司依文宣王置廟仍委中書門
下擇古今名將准文宣王置亞聖及十哲等享祭之典一
同文宣王至建中三年閏正月二十五日禮儀使顏真卿
奏武成王廟用樂臣伏以自太公封武成王追封之禮與
諸侯王名位義同廟庭用樂合准諸侯之數今請每至釋
奠奏軒懸之樂勅旨宜付所司至七月十一日史館奏伏
表今年五月十五日勅武成王廟配享人等宜令史館參
詳定名聞奏者又准開元十九年四月勅宜揀取自古名

將十人充十哲
尚書右僕射秦武安君白起將軍孫臏相國范蠡趙將信平君廉頗
國君樂毅秦武安君白起將軍孫臏相國范蠡趙將信平君廉頗
尚書右僕射秦武安君白起將軍孫臏相國范蠡趙將信平君廉頗
七十一弟子齊將管仲齊將田單趙將廉頗
越右丞相絳侯周勃王翳將軍周勃王翳將軍周勃王翳
去病大將軍李廣後漢太傅高密侯鄧禹好時侯耿弇執金吾冠恂
李廣後漢太傅高密侯鄧禹好時侯耿弇執金吾冠恂
軍膠東侯馮異建威將軍新息侯馬援太尉尉
魏太尉鄧艾征東將軍羽侯張遼太尉尉
蜀前將軍壽亭侯關羽將軍張遼太尉尉
守周瑜南都太守羊祜鎮南將軍馬超將軍馬超將軍
征南將軍南都太守羊祜鎮南將軍馬超將軍馬超將軍
軍襄陽侯王濬太尉尉
前秦丞相王猛前燕太宰慕容恪宋司馬空武陵侯樂道濟
征虜將軍王猛前燕太宰慕容恪宋司馬空武陵侯樂道濟
容紹宗右丞相惡後魏太宰慕容恪宋司馬空武陵侯樂道濟
宇文獻太傅燕咸陽王斛律光果太尉尉
南平公吳明徹隋國尚書令趙國僕射鄭國右常侍周大冢
公賀公吳明徹隋國尚書令趙國僕射鄭國右常侍周大冢
皇朝司空河間王新恭右武候將軍鄂國尉遲平公敬德右

武衛大將軍邢國公蘇定方禮部尚書聞喜縣公裴行儉
夏官尚書王孝傑佐武大將軍韓國公張仁亶兵部尚書
中山郡公王暉兵部尚書代國公郭元振
太尉臨淮王李光弼太尉汾陽王郭子儀

天寶六載正月勅鄉貢武舉人上省先令謁太公廟每拜
大將及行師尅捷亦宜告捷

貞元二年二月邢部尚書知刪定閔播奏上元詔擇古今

名將十人於武成王廟配饗如文宣廟之儀伏以太公古

稱大賢今其下置亞聖賢之有聖於義不安且孔門十哲

皆是當時弟子今所擇名將年代不同於義既乖於事又

失臣請刪去名將配享之儀及十哲之稱從之四月詔武

成王廟樂章並未奏撰宜令于邵等撰進四年八月十三

日兵部侍郎李紆奏准開元十九年勅置廟以張良配享

准式以太常卿少卿丞等充三獻官祝文云皇帝遣某官

敢昭告于至上元元年追贈為武成王享祭之典一同文

宣王有司因差太尉充獻兼進祝版親署臣以今月三日

蒙差攝祭方觀廟儀伏以太公即周之太師張良漢之少

傅聖朝列於祀典已極褒崇載在祠詞言必資折衷理或過

當神何敢當今者屈禮於至尊施敬於臣佐每謂御署並

稱昭告于上下之祭竊謂非宜一同文宣王恐未為允臣

以為文宣王垂教百代宗師五常三綱非其訓不明有國

有家非其制不立故孟軻稱有生人已來一人而已由是

正素王之法加先聖之名樂用功懸獻差太尉尊師崇道

雅合正經且太公述作止於六韜勲業形於一代豈可擬

其盛德均其殊禮哉前件祝文請自今更不進署其敢昭
告請准式差太常卿已下詔令百寮集議聞奏兼大理卿

于頔等四十六人議同李紆尚書右司侍郎中嚴沆等議
曰謹按李紆所奏援引訓典比量禮度祝文輕重之殺猷
官尊卑之節誠至當矣推而廣之抑未盡也夫人名徽號
先聖所以褒前哲令德之人謂其言可以範圍其行可以
施百代其業可以振千古苟未至也則不虛美其於太公
兵權竒計之人耳當殷辛失德八百諸侯皆歸於周時惟
鷹揚以為佐命在周有大功矣於殷謂之何哉祀典不云
乎法施於人則祀之如仲尼之祖述堯舜憲章文武刪詩
書定禮樂使君君臣臣父父子子後王及學者皆宗師之
可謂法施於民矣貞觀中以其兵家者流始令碯溪立廟
開元中漸著上戊釋奠之禮其於進寵不為薄矣上元之
際執事者苟以兵戎之急遂尊武成封王之號擬議於文

宣王優劣萬殊不可以訓禮不云乎擬人必於其倫太公
之於聖人非倫太史公以韓非與老子同傳人到于今非
之高祖封韓信為侯自耻於絳灌等列况聖朝褒美之稱
其可雷同乎愚以為宜去武成及王字依舊令為齊太公
廟人無間言矣享猷之事餘依李紆所奏刑部員外郎陸
淳等六人議曰臣聞統天下者禮法也救天下者權數也
拯難者常以權變禮以數易法有國者則尚德而賤數尊
禮而晦權何者禮法行則人安其分務於脩身權數騁則
人思變常務於苟得安其分理之源也思變常亂之本也
故救一時之弊者事不可貽於將來垂萬世之法者道必
不行於當代切以武成王殷臣也見紂之暴不能諫而佐
武王以傾之於周則社稷之臣矣於殷謂之何哉且夫尊

其道者必師其人必尚其行使天下之人入是廟也登是堂也稽其人可以思見師其道所由致法則俾夫立節死義之士安所措其心乎聖人所以尊堯舜賢夷齊不法桓文不贊伊呂先之以敬讓尊之以禮樂蓋謂此也使武成之名與文宣為偶權數之畧與道德齊衡恐非不刊之典也臣愚謂宜罷上元追封立廟之制依貞觀於碯溪置祠令有司以時享奠斯得禮之正也左領軍大將令狐建等二十四人議曰當今兵革未偃宜崇武教以尊古重忠烈以權今欲有貶損恐非激勸之道也追尊王位以時祠之為武教之主若不尊其禮則無以重其教也文武二教固同並立廢亦不可况其典禮之制已歷三聖今欲改之恐非其宜也至九月十六日有勅以上將軍以下充獻官餘

依李紆所奏

天祐二年八月十三日中書門下奏遷都以來武成王廟元來置立今請改為武名王選地建造其制度配享皆准故事從之

寒食拜掃

龍朔二年四月十五日詔如聞父母初七臨喪嫁娶積習日久遂以為常亦有送葬之時共為歡飲遞相酬勸酣醉始歸或寒食上墓復為歡樂坐對松檟曾無戚容既玷風猷並宜禁斷

開元二十年四月二十四日勅寒食上墓禮經無文近代相傳浸以成俗士庶有不合廟享何以用展孝思宜許上墓用拜掃禮於塋南門外奠祭徹饌訖泣辭食餘於他所

不得作樂仍編入禮典永為常式
二十九年正月十五日勅凡廢之中情禮多闕寒食上墓
便為燕樂者見任官與不考前資殿三年白身人決一頓
貞元四年正月詔比來常參官請假往東郊拜掃多曠廢
職事自今已後任遣子弟以申情禮
元和三年正月初朝官寒食拜掃又要出城並任假內往
來不須奏聽進止

長慶三年正月勅寒食掃墓著在令文如聞比來妄有妨
阻朕欲令群下皆遂私誠自今已後文武百官有墓塋域
在城外并京畿內者任往拜掃但假內外來不限日數有
因此出城假開不到者委御史臺勾當仍自今已後內外
官要親親於外州及拜掃並任准令式年限請假

大和三年正月勅文武常參官拜掃據令式五年一給假
宜本司准令式處分如登朝未經五年不在給假限八年
八月勅釐革應緣私事並不許給公券今臣等商量唯寒
食拜掃著在令式銜恩乘驛以表哀榮遽違聖旨重頒新
命其應緣私事及拜掃不出府界假內往來者並不在給
券限庶存經制可久遵行從之

開成四年二月中書門下奏常參官寒食拜掃奉進止准
往例給公券者臣等謹按舊制承前常參官應為私事請
假外州往來並給券牒

緣祀裁製

舊儀每祭籩豆之數各異至顯慶二年始一例大祀籩豆
各十二中祀各十小祀各八

舊儀注大祀中祀並前七日十日小祀並前五日筮日皆於太廟南門之外卜吉而行之其遇廢務日並不迴避貞元十五年十二月一日太常卿齊抗等奏每年大中小祀都七十祭其四立二分二至臘上辛吉亥等日蓋為氣節也其後寅後申後亥後丑等日蓋謂星次也伏以氣行有時刻星位有次舍或定用日或定用辰不可改移請依舊制其或有別禱祭即是太卜署擇日並請准四月六日勅廢務日不用遂為故典

舊儀注無日蝕廢祭之文元年建丑月祠部奏曰來年建寅月一日祈穀祀昊天上帝是月司天臺預奏其日太陽虧時禮儀使于休烈奏曰臣謹按曾子問曰當祭而日食其祭也如之何夫子曰按祭而已矣牲至未殺則廢漢初

平四年正月當祭南郊日蝕又行冠禮博士孫與八座議以為正月元日太陽虧而冠有裸享之禮金石之樂是為聞災不肅見異不怵惕也望陛下太常別擇日其二日祭太一准禮儀物同祠所既緣日蝕各守本司亦望同下太常更擇日制曰可

舊制每歲大中小祀凡七十九祭皆尅定日辰著於祀典其與本文相當則祭更不卜日三十四祭准禮但言時月不定日辰太卜署至時擇日

正月一十二祭

上辛祈穀祀昊天上帝于圓丘祀前二日祭高祖一室立春
春日祀青帝于東郊亥日享先農於東郊立春後丑日祀風師於國城東北立春
春日祭東岳天齊王東鎮東安公東

海廣德王東瀆長源公以上准禮令薦獻太清宮饗太廟
祀九宮貴神於東郊以上至

二月十祭

上丁釋奠文宣王上戊釋奠武成王春分祀朝日於東郊
社日祭太社太稷以上准禮令祭五龍壇登馬祖開水井祭
司寒之神祭東水井西水井享文敬太子惠昭太子廟並
同日以上至

四月十祭

立夏日祀赤帝於南郊立夏後申日祀兩師雷師於國城
西南郊立夏日祀南岳司天王南鎮永興公南海廣利王南
瀆廣利公以上著薦獻太清宮享太廟雩祀昊天上帝于
圓丘祀前二日告太宗一室以上至

五月四祭

夏至日祭皇地祇于方丘祭前二日祭太宗一室以上著
祭先牧享文敬太子惠昭太子廟以上至

六月四祭

季夏土王日禮黃帝於南郊同日祭中霤中岳中天王以上
著定是月復祭廣德王

七月八祭

立秋日祭白帝於西郊立秋後辰日記靈星於國城西南
立秋日祭西岳金天王西鎮成德公西海廣潤王西瀆靈
源公以上著薦獻太清宮饗太廟以上至

八月八祭

上丁釋奠文宣王上戊釋奠武成王秋分祀夕月於西郊

社日祭太社太稷以上著祭馬祖饗文敬太子惠昭太子廟時以上至

九月二祭

季秋大饗明堂饗前二日告憲宗一室以上著

十月十祭

立冬祀黑帝於北郊立冬後亥日祀司中司命司人司祿

於國城西北立冬日祭北岳安天王北鎮廣寧公北海廣

澤王北瀆清源公以上著薦獻太清宮享太廟祭神州地

祇於北郊祭前二日告高祖一室以上著

十一月六祭

冬至日祀昊天上帝于圓丘祀前二日告太祖一室以上著

期貢舉人謁先師祭馬步享文敬太子惠昭太子廟以上著

卜

十二月六祭

寅日蜡祭百神于南郊郊日祭太社太稷辰日臘饗太廟

奏祥瑞以上著期季冬太清宮奏祥瑞藏冰祭司寒東水井

西水井並同日用以上著

開元九年六月五日太常奏曰伏准唐禮祭五岳四瀆皆

稱嗣天子祝版皆進署切以舜典五岳視三公四瀆視諸

侯則不合稱嗣天子及親署其祝文伏請稱皇帝謹遣某

官某致敬祭于某岳瀆之神從之

二十三年正月七日勅承前所給明衣多於齋夕付物既

不先造徒有其名自今以後明衣絹布並祠前五日先給

傳監祭使其點閱仍永為常式至大歷六年十一月三日

勅自今已後五品已上及監察御史太常博士宜准式給明衣絹及浴中餘准常例其布絹支左藏庫青苗物充其月二十日詔自今已後有大祭宜差丞相特進少保少傅尚書賓客御史大夫攝行事至天寶七年六月八日勅自今已後每差攝祭官宜令吏部揀擇朝廷有德望者充天寶五載五月專知祠祭使王瑛奏諸色祭官等並寬縱日久不懼刑憲當祭之日或逢泥雨或值節序盡皆請假曾無形迹今後臣皆私自察訪實無事故妄請假及不肅敬者錄名奏聞望加貶責應緣行事或稍後到小疎遺望請量事大小便牒所司奪其俸祿勅旨從之九載十一月三日制曰春秋祭享用存昭敬祝史陳信必在正辭苟名位之或乖於上下而非便承前有事宗廟皆稱告享茲乃

臨下之辭頗乖尊上之義靜言斯稱殊未為允自今已後每親告享太清太微宮改為朝獻有司行事為薦享諸陵陵改為朝拜有司行事為拜陵應緣諸事告宗廟者並改為奏其郊天后土及諸祀祝文云敢昭告並改為敢昭薦以為告者臨下之制故也式崇變禮庶表誠心宣事中外令知朕意其載四月二十九日制頃者每祀黃帝乃就南郊義實有乖禮亦非便稽諸體式理固不然宜於皇城內西南就坤地改置黃帝壇朕當親祀以昭誠敬仍令中書門下與禮官等更深詳定聞奏至十一月三日詔禮神以玉奠取其誠精潔表心溫潤合德自馮紹正奏後有司用珉禮所謂君子貴玉而賤珉不可用也况國家之富有萬方之助祭豈於天地宗廟奠玉有虧自今已後禮神六器

宗廟奠玉並有真玉諸祀用珉如以玉難得大者寧小其
制度以取其真
寶應二年五月四日吏部尚書劉晏奏諸色祠祭委禮儀
使撰禮科為常式祭前點檢祭器及饌物明衣有不在者
所由量事科決其行事官若出齋宮及不到明衣及料不
得妄制曰可
上元元年四月赦文有司所立秘祝之法或移於歲或移
於人君人之心寧所忍也自今已後削去其法其中祀下
祀并雜祭禮等一切停其諸應合祭禮列於常典所用祭
料一依古制務從減省以副朕心至正元年二月十七日
太常卿崔縱奏立春後丑日記風師立夏後申日記雨師
立秋後辰日記靈星立冬後亥日記司中司命司人司祿

准上元元年制中祀小祀一切權停至永泰二年有勅復
風師雨師其靈星司中司命等壇至今猶廢勅旨靈星等
壇宜令所司准開元禮配享

大曆七年八月禮儀使楊綰奏祀官祀前一日從齋所集
於太常寺一時赴祭所如祭在皇城內者則不集制從之
仍永為常式至十四年六月十八日大內皇城留守張景
所奏得御史臺牒景風安上等門每至祠祭日緣祭官到
尚書省授誓誡了赴朝准舊例合早開又准監門式皇城
門無文早開勅旨自今已後祠祭授誓誡官其日既赴尚
書省不須入朝貞元六年正月詔書官有私喪公除者聽
赴宗廟之祭初御史監察者闕白禮凡有總麻以上喪不
得饗薦於是吏部奏申明白令使行之可守凡有祿服既

葬公除及聞哀已滿者請許告服赴宗廟之祭其同宮未
葬雖公除者請依前禁之輕重有倫以一王法從之
八年七月將作監元亘當攝太尉薦祭享昭德皇后廟以
私其忌日不受誓戒為御史劾奏令尚書與禮官法官集
議於是尚書左丞相盧邁等奏曰謹按禮記云大夫士將
奉祭於公既視濯於父母死猶是奉祭也又按唐禮散齋
有大功喪致齋有周親喪齋中疾病則還家不奉祭祀皆
無忌日不受誓誡之文雖假寧令忌日有給假一日春秋
之義不以家事辭王事今一旦以假寧常式而廢攝祭新
命酌其輕重誓誡則祀之嚴校其禮式忌日乃循常之制
詳求典據緣薦獻不宜以忌日為辭由是亘坐罰
元和三年四月太常禮院上言太廟時饗及告廟朔望薦

食同日謹按禮經不欲數伏以太廟禘祫祭禮重於時饗
准禮時享與禘祫同月即其月但行禘祫不行時享蓋不
欲煩是禮先重者今時享重於朔望薦食詳求禮情參酌
輕重於是享之月其朔望薦食亦合便停若兩禮兼行即
祭恐煩黷伏請每至時享及臘享但行享禮其月朔望薦
食請停餘月一准舊例如告廟日與朔望薦食日同伏請
先行告禮然後薦食即奠踈數有節合於禮中從之
長慶二年十一月監察使監察御史蘇景胤奏祠祭稱定
出齋宮等舊例准廟參不到四品已上罰二千文五品已
上罰一千文伏緣所罰稍輕更請加罰詔曰郊廟之儀本
於恭恪罰輕生慢須議稍加自今已後有臨祭出齋者宜
罰一月俸仍委監察使每其所罰官名銜聞奏

太和九年十一月兵部尚書判太常卿充禮儀詳定使王起請創造禮神九寶玉奏議曰邦國之禮祀為大事拜璧之儀經有前規謹按周禮祀天地四方以蒼璧禮天黃琮禮地青珪禮東方赤璋禮南方白琥禮西方玄璜禮北方又有四珪有邸以禮天兩圭有邸以祀地圭璧以祀日月星辰凡此九品器皆禮神之玉也又云以禋祀昊天上帝鄭玄云禋煙也為玉幣祭訖燔之而升煙以報陽也今與開元禮儀同此則焚玉之驗也又周禮掌國之玉鎮太寶器若大祭訖事而藏之此則收玉之証也梁代崔靈恩撰三禮義宗云凡祭天神各有二玉一以禮神一則燔之禮神者訖事却收祀神者與牲俱燎則靈恩之義合於禮經今國家郊天地祀神之玉常用禮神之玉則無臣等請下

有司精求良玉創造蒼璧黃琮等九器祭訖則藏之其燎玉即依常式從之

牲牢

武德元年十一月九日詔祭祀之本皆以為身窮民事神有乖正直殺牛不如禴祭明德即是馨香望古推今民神一揆其祭圓丘方澤宗廟以外並可止用少牢舊用者宜用特牲待時和年豐然後克脩常禮開元二十二年正月一日勅自古聖帝明王岳瀆海鎮祭用牲牢餘並以酒脯充奠天寶三載閏二月勅祭必奉牲禮有歸胙非將興施惠之教以廣神明之福比來胙肉所進頗多自茲已後即宜少進仍分賜祭官及應入衙常參官厨共食

六載正月赦文祭祀之典犧牲所備將有達於虔誠蓋不
資於廣殺自今已後每大祭祀應用騂犢宜令所司量減
其數仍永為常式其年起請天地合祭四時各用二犢五
常迎氣各用一犢冬至圓丘用一犢夏至方澤用一犢九
宮貴神四時祭每祭各用一犢神州用一犢太廟五享每
用一犢東京准上文宣王三祭每祭各用一犢東京三祭
五嶽每載一祭每用一犢右據舊料每載用犢五百一十
四頭今請減一百六十五頭既用三十九頭餘祠享並請
停用犢至上元二年九月二十二日赦文國之大事郊祀
為先貴其至誠不美多品黍稷雜設猶或非馨牲牢空多
未為能享圓丘方澤任依常式宗廟諸祠但臨時獻熟用
懷明德之馨庶合西隣之祭其年起請昊天上帝太廟各

大牢一羊豕各三餘祭隨事而供

太廟羊豕各九頭

大曆六年十二月三日勅五方上帝九宮並大祠朝日夕
月百神太社先農釋奠並中祠自今已後太社用犢中祠
用猪羊各一委所司支給送太常寺入滌其副准前

正元十八年五月太僕奏每年四季送太常入滌羊犢送
後或稱暴死准式埋訖真偽難明伏以毛色羊
犢甚難擇揀如有病死者望還太僕即准教送替冀易辦
明永為常式制曰可

忌日

正觀十九年太宗親征高麗以五月五日行以遼陽既屬
高祖忌日八座奏言臣等謹按禮云君子有終身之憂而
無一朝之樂此所謂星迴歲改親沒同辰思其居處不為

樂事今陛下親御六軍已登寇境庶務繁擁伏侍剖決可
以尊先聖之常經畧近代之一志望請所有軍機要切百
司依式聞奏手詔答曰今既戎旅大軍事不可失在機速
所以仰順古風俯從今請神功元年七月清邊道大總管
建安王攸宜破契丹凱還欲以是日詣闕獻俘內史王及
善以為軍將入城例有軍樂今既國家忌月請備而不奏
鳳閣侍郎王方慶奏曰臣按禮經但有忌日而無忌月晉
穆帝納后用九月其月是康帝忌月于時疑不定下太常
禮官荀訥議稱只有忌日無忌月若有忌月即有忌時忌
歲益無禮據當時從訥所議軍樂是軍容與常樂不等臣
謂振作於事無嫌
正元五年八月初天下諸上州並宜國忌日准式行香十

二年五月詔先聖忌辰纔經叙慰戚里之內固在肅恭而
乃遽從燕遊飲酒作樂既乖禮法須有所懲前邠州長史
郭煦宜於袁州安置前南郭縣尉郭暄於柳州安置曹自
慶配流永州其駙馬郭暖王仕平仍令勒歸私第先是初
經代宗忌辰駙馬諸親悉詣銀臺奉慰及迴王仕平遂邀
駙馬郭暖張昭賢張怙及暖女婿嗣許王昭曠堂弟煦暄
用教坊音聲入曹自慶並於宅中飲樂上怒之固有此詔
尋亦許暖及仕平出入
永貞元年十二月中書門下奏昭成皇后竇氏按國史長
壽二年正月二日崩其時緣則天臨御用十一月建子為
歲首至中宗復舊用夏正即正月行香廢務日須改正以
十一月二日為忌

元和九年正月備撰官太學博士韋公肅上疏曰准禮無
忌月禁樂今太常及教坊以正月是國家忌月停習郊廟
享宴之音中外士庶咸罷慶樂伏尋經典切恐乖宜臣謹
按禮記有忌日不樂無忌月之文漢魏以降代襲斯旨唯
晉穆帝將納后以康帝忌月下議禮官荀訥王洽曹耽王
彪之並當時知禮者皆稱有忌日無忌月若有忌月即有
忌時忌歲益無禮據時從其議伏以仍前所禁皆祗二十
五月之中今既逾遠禮須改革臣又聞統人立法必守先
王之常經企及俯就不違聖哲之明訓下盡群言上留玄
鑒不以私懷而踰於禮節又記曰禫月從樂明王制禮漸
去其情不應以追遠而立禮反重也今太常停習郊廟之
樂是反重而慢神有司禁中外之音是無故而去樂詳其

前典情理不倫考其沿襲又無所據儻陛下正因循之越
度法經典之明文得禮之儀傳於史冊天下幸甚詔傳中
書門下令召太常卿與禮官等學官詳議可否中書門下
奏曰忌日太常寺及教坊悉停閱習中外士庶亦皆禁斷
准禮及歷代典故並無忌月禁樂請依常教習者勅旨宜
依其士庶之家亦宜准此
開成四年十月戶部侍郎崔彛奏臣頃於延英奏陳願有釐革陛
師古聖心求理動法典章臣頃於延英奏陳願有釐革陛
下令史官尋討起置無文昨日閣中再承顧問雖因循未
變亦無損於盛朝而除去不經冀流芳於異日勅旨朕以
郊廟之禮奉在祖宗備物盡誠庶幾昭格恭惟忌日之感
所謂終身之憂而近代以來歸依釋老微二教而設食會

百群以行香將以仰奉聖靈冥資福祐有異皇王之術頗乖教義之宗昨因崔蟲奏論遂遣討尋本末經文令式曾不該載世俗因循雅重釐革其京城及天下州府國忌日寺觀設齋行香起自今已後並宜停其月御史臺奏請國忌日天下依舊不舉樂不視事不鞭笞伏以道釋二教漫澶虛無陛下靡所歸依誠契至理但以列聖忌日行香及茲脩崇示人廣孝蕙以天下州縣不舉樂不視事不鞭笞以此海內蒼生常知列聖廟號今既停罷行香之後勅內又無其日徹樂廢公止行如舊之文伏恐遐遠之地迷其所向便與居常之日率皆無殊臣思此事終闕聖慮禮曰君子有終身之憂而無一朝之患故忌日不樂謂不舉吉事也伏願陛下聖睿留想若以設齋資福事稍不經起今

罷之已有詔旨其日天下州縣不舉音樂不視公事不行鞭笞伏請重下明制依前遵守則凡在遐陬逮于蠻貊不忘廟號有裨孝禮之源勅旨設齋行香近已釐革過密停務自有典常臺司舉奏意在詳宥宜依至宣宗即位之初先以列聖忌辰行香既久合申冥取用展孝思其京城及天下州府諸寺觀國忌行香一切仍舊太和七年二月勅准令國忌日唯禁飲酒舉樂至於科罰人吏部無明文但緣其日不合釐務官曹即不得決斷刑獄大小笞責在禮律固無所妨起今後縱有此類臺府更不要舉奏均王傳王堪男損國忌日於私第決責從人為御史臺所奏遂下此勅十五年五月太常禮院奏睿宗神主祔遷其六月二十日忌并昭成皇后十一月二日忌准禮合廢從之

開成四年五月太常寺奏今月二十二日祀先農於東郊
其日與穆宗皇帝忌日同大和七年十二月八日季冬蜡
祭百神與敬宗皇帝忌日同准其年十二月六日勅近廟
忌辰奏樂非便冬季蜡祭又不可移變禮從宜古有明
據宜令其日懸而不樂庶叶典經今月二十二日祀先農
欲准先勅懸而不樂從之
天祐二年八月八日太常禮院奏今月十三日昭宗皇帝
忌其日百官閣門奏慰後赴寺行香請為永式從之

諱

武德九年六月太宗居春宮總萬機下令曰依禮二名義
不偏諱尼父達聖非無前旨近代以來曲為節制兩字兼
避廢闕已多率意而行有違誥令其官號人名及公私文

籍有世及民兩字不連續者並不須避

永徽二年十月七日尚書左僕射于志寧奏言依禮舍故
而諱新故謂親盡之祖今皇祖弘農府君神主上遷請依
禮不諱從之

顯慶五年正月一日詔孔宣設教正名為首戴聖貽範嫌
名不諱比見抄寫古典至於朕名或缺其點畫或隨便改
換恐六籍雅言會意多爽九流通義指事全違誠非立書
之本自今已後繕寫舊典文書並宜使成不須隨義改易
延和元年賈曾除中書舍人固辭以父名忠同音議者以
為中書是曹司名又與魯父音同字別於禮無嫌魯乃就
職
永正元年十二月改淳州為蠻州睦州還淳縣為清溪縣

橫州淳風縣為從化縣淳于姓改為于以音與憲宗名同也論者以古不諱嫌名若禹與雨駟與區臨文不諱若文王名昌武王名發周詩曰克昌厥後又曰一之日觶發魯莊公名同春秋曰同盟于幽宣公名午書曰陳侯午卒之類是也今古時變故廣避焉初憲宗為廣陵王順宗詔下將冊為皇太子數日兵部尚書王詔上陳請改名紹本名與憲宗諱同時君子非之曰皇太子亦人臣也東宮之臣當請改耳柰何非其屬而遽請改名以避東宮豈為禮事上耶左司員外郎李蕃曰歷代故事皆因無經學之臣而失之卒不可復正多此類是時常貫之為監察御史名與東宮同獨不請改既而下詔以陸淳為給事中改名質充皇太子侍讀貫之不得已乃上疏改其名大臣溺於風俗

以為細事而不正之非故事也

開成元年十一月中書舍人崔龜從奏前婺王府參軍宋昂與御名同十年不改昨日參選追驗正身改更稍遲殊戾勅旨宜殿兩選

會昌六年四月二十日勅中外官寮有名與御名同者及文字點畫相似今後即任奏改音韻相近文字點畫不同不在奏改之限

咸通十二年七月侍御史李谿以進狀內字與廟諱音同罰一季俸復執奏曰臣按禮記不諱嫌名又職制律諸犯廟諱嫌名不坐注云若禹與雨謂聲同而字異也今若受罰是違典律乃免之

天祐元年九月二十九日中書門下奏太常寺止鼓兩字

故^字上字犯御名請改曰肇從之

唐會要卷第二十三

唐會要卷第二十四

受朝賀

朔望朝參

常附廊下食

諸侯入朝

二王三恪

受朝賀

舊制元日大陳設

皇太子獻壽次上中書令奏諸州表黃

禮部尚書奏諸蕃貢獻太史奏雲物侍中奏禮畢然後中

書令又與供奉官獻壽時殿上皆呼萬歲按舊儀關供奉

官獻壽禮但依位次立禮畢竟無拜賀開元二

十五年李林甫革其舊儀奏而行之冬至亦然

正觀十三年十月三日尚書左僕射房玄齡奏天下太平

萬機事簡請三日一臨朝詔許之至二十三年九月十一

日太尉無忌等奏請視朝坐日上報曰朕登大位日夕孜

攷尤恐擁滯眾務自今已後每日常坐其後至永徽二年

八月二十九日下詔來月一日太極殿受朝此後每五日

一度太極殿視事朔望朝即永為常式
顯慶二年二月太尉長孫無忌等奏以天下無虞請隔日
視事許之

聖曆三年正月制朝官有期喪大功未葬不得朝賀十一
神龍元年二月朝則天皇帝於上陽宮因勅每十日一朝
左臺侍御史盧懷慎上表曰臣聞昔漢祖受命五日一朝
太公於櫟陽宮今日陛下豈不欲為此乎臣度其事業與
此有異夫漢祖起布衣登皇極有天下尊歸於父故行於
此耳今陛下守文繼統嗣武開基奉三聖之休烈當于齡
之寶命順天立極蓋曰其常不知何為更用此道遠自三
五洎乎夏殷聖帝明王臣所覽見未有此用者陛下安所
取哉臣聞事不思古匪謏攸聞禮煩則黷抑其有義况應

天去提象纜至二里餘騎不得行列車不得方軌於茲屢
出假令愚人萬一有犯屬車之塵者陛下雖罪之何及縱
使萬全亦非重慎之道也臣望陛下從今已後導其內朝
一則有暢於清溫二則無煩於出入敬慎之道誰曰不然
必長至在辰元正布曆應天納祐行慶有期則願陛下備
法駕周羽儀然後出朝亦示天下大禮也居常之日切願
陛下思之其年四月二十七日上以時屬炎暑制令每隔
日不坐右拾遺靳恒上疏諫曰臣聞昔漢制反支日亦通
奏事又光武在軍躬自覽疏明帝撫運夜必讀書豈以四
氣炎寒妨於政理况陛下紹登大位初啓中興六合之內
莫不延首傾聽威恩未著忠信未孚勤勞者未達寬滯者
未舉逋逃者未還浮偽者未息兼之國用凋敝倉廩空虛

獄訟猶繁流淳尚雜外逼克寇調發未寧內切飢寒衣食不足人思陛下企望太平久矣陛下固宜兢業居安慮危絕嗜慾之源從清靜之化宵衣旰食以答蒼生之望簡賢任能以救蒼生之弊使天下翕然一變化俗柰何以其微熱遂闕一日萬機之事六合之內家到戶說必謂陛下安其宮室重其宴閑忽於黎庶怠於聽政復何以達充心於天下復何以垂令範於後代臣愚切為陛下有所嘆息

開元八年九月勅正冬朝會宴見蕃國王臨軒設樂懸陳車輅備麾伏其朔日受朝儀注減半其年十一月十三日中書門下奏曰伏以十四日冬至一陽初生萬物潛動所以自古聖帝明王皆以此日朝萬國觀雲物禮之大者莫

逾是時其日亦祀圓丘皆令聽攝官行事質明既畢日出視朝國家已來更無改易緣循新格將其日祀圓丘遂改用小冬日受朝若親拜南郊受賀須改既令攝祭理不可移伏請改正從之因勅自今已後冬日受朝永為常式至天寶三載十一月五日甲子冬至勅伏以昊天上帝義在尊嚴恭惟祭典每用冬至既於是日有事圓丘更受朝賀實深兢惕自今已後冬至宜取以次日受朝仍永為常式至永泰二年十一月三日詔以十三日甲子冬至令有司祭南郊於含元殿受朝賀至建中二年十一月二十日勅宜以冬至受朝賀天寶六載十二月二十七日勅中書門下奏承前諸道差使賀正十二月早到或有先見或有不見其所賀正表但

送省司又不通進因循日久於禮全乖望自今已後應賀
正使並取元日隨京官例序立便見通事舍人奏請其表
直送四方館元日伏下候一時同進勅旨依

大曆九年十一月八日勅故源王發引遷神廢冬至朝賀
十四年十二月三十日勅元日門下侍郎奏祥瑞宜停至

正元四年十一月十三日中書侍郎李泌奏冬至朝賀請
准元日中書令讀諸方表勅旨宜依

建中元年十一月朔御宣政殿朝集使及貢士見自兵興
已來典禮廢墜州郡不上計內外不會同者二十五年至

此始復舊典州府計至者二年正月朔御含元殿四方
貢獻列為庭實復舊例也

正元七年四月二十八日勅昔者聖賢仰觀法象因天地

交會之序為父子相見之儀沿襲成風古今不易王者制

事在於因人酌其情而用中順其俗而為禮威覲之義既

行父子之間資事之情豈隔君臣之際申恩鄉士自我為

初自今已後每年五月一日御宣政殿與文武百寮相見

京官九品以上外官因朝奏在京者并聽就列宜令所司
即量定儀注頒示仍永編禮式本以五月一日陰生臣子

因創是日朝見之儀初欲冕服御宣至元和三年四月詔
政殿屬塗潦乃以常服御紫宸殿五月一日御宣政殿受朝賀禮儀停先是創有此禮自後

不載遂罷之經九年正月朔上御製紫宸殿受朝賀賦退
觀伏歸營詩十一年十一月日南至不受朝賀以司徒馬
燧出葬故也
會昌二年四月中書門下奏元日御含元殿百官就列唯

宰相及兩省官皆未索扇前立於檻欄之內及扇開便侍立於御前三朝大慶萬拜稱賀准宰相侍臣同列胄武夫竟不拜至尊而退酌於禮意事未得中臣等商量請御殿日昧爽宰相兩省官對班於香案前侯扇開通事贊兩省官再拜拜訖升殿侍立從之

咸通四年五月朔宴迴鶻於三清殿非常例也

諸侯入朝

正觀元年十一月梁州都督竇執請入朝上曰君臣共事情猶父子外官久不入朝情或疑懼朕亦須教見之問以人間風俗許令入朝至十五年正月上謂侍臣曰古者諸侯入朝有湯沐邑芻禾百車待以客禮漢家故事為諸州刺史郡守創立邸舍於京城頃聞都督刺史克考便至京

師皆賃房與商人雜居既復禮之不足必是人多怨嘆至十七年十月一日下詔令就京城開坊為諸州朝集使造邸第三百餘所上親觀焉至永淳二年閏中飢之諸州邸舍漸漸殘毀至神龍元年司農卿趙履溫希觀婦權備要奏請出賣並盡至建中元年十月二十九日勅每州邸第令本州量事依舊營置至二年五月十四日戶部奏若令州府自買事又煩費伏請以官宅三十所分配共住過事却收勅旨宜依二十年有司上言按漢儀注朝賀正月常一王四侯十餘歲一至又按史記諸侯王朝凡四見留長安不過二十日今諸王入朝者甚多非謂示之簡要弘之禮節既乖古制有虧前典臣請每歲二王入朝禮畢還藩敢以義請從之

顯慶二年十二月勅諸都護刺史入朝日及新授未辭因使在京朝會一事以上並同京官
先天二年十月勅諸蕃使都府管羈縻州其數極廣每州遣使朝集頗成勞擾應須朝賀委當蕃都督與上位及管内刺史自相通隔明為次第每年一蕃令一人入朝給左右不得過二人仍各分頒諸州貢物於都府點檢一時錄奏開元八年十月勅諸督刺史上佐每年分蕃朝集限十月二十五日到京十一月一日見其年十一月十二日勅諸州朝集使長官上佐分蕃入計如次到有故判司代行未經考者不在禁限其員外同正員次正官後集
十四年二月勅嶺南五府管内郡武安萬安等三十二州不在朝集之限其承前貢物者並附都府^督貢進

十八年十一月勅靈勝涼相代黔嵩豐洮朔蔚媯檀安東疊廓蘭鄯甘肅瓜沙嵐益翼戎慎威西牢當郎茂驩安北庭單于會河岷扶招安西靜悉妣雅播容燕順忻平雲臨薊等五十九州為邊州楊益幽潞荆秦潭廣桂安十二州為要州都督刺史並不在朝集之例

二十二年十一月勅諸朝集使十日一參朔望依常式應須設食等准例處分

永泰元年正月宰臣王縉等奏春秋之義臣子一例今後有大臣入朝百寮望請朝罷於中書行相見之禮其宴餞准故事於鴻臚亭集從之

時上優寵大臣入覲之日建百官朝罷行相見之禮

大曆十四年六月勅諸州刺史入計如式
建中二年七月二十二日勅諸州府今年朝集使宜且權

停其貢物及文解等准例今考典赴上都

正元十三年徐州節度使張建封來朝及命歸鎮上御製

詩以賜之牧守共所重才賢生為時宜自淮授越膺

激陳情辭報國爾所尚恤人余是資歡宴不盡懷車馬當

又命中使齎所執鞭以賜之曰以卿中節歲寒不移故賜

此鞭以表之十七年閏正月夏州節度使石僕射韓全義

來朝自入覲及歸不見不辭于正朝使時全義自夏州節度

見不辭于正朝也

元和十四年八月魏博節度使田弘正來朝賜宴於麟德

殿其大將三百餘人賜物有差

十五年二月勅淄青統押海蕃每年皆有朝賀比差部領

人數校多今後差官正試相兼不得過五人

長慶四年勅節度觀察使入朝不得別有進獻

會昌元年六月勅東道節度使鄭復雖稱有疾擅離本道

宜釋放已後藩鎮如更違越必舉憲章

大中五年正月勅自今已後諸道節度防禦經畧等使有

請覲者但先獻表章請得詔旨許允即任進發務使行止

之際臨時不失事機

二王三恪

武德元年五月二十二日詔曰革命創業禮樂變於三王

脩廢繼絕德澤隆於三代是以鳴條尅蜀杞用夏郊牧野

降休宋承殷祀爰及魏晉禪代相仍山陽賜號於當塗陳

番受封於典干上天迴睠授曆朕躬隋氏順時遜其寶位

敬奉休命敢不對揚永作我賓宜開土宇其以莒之鄆邑

奉隋帝為鄜公行隋正朔車旗服色一依舊章仍立周後
介國公其為二王後至二年五月鄜公薨追崇為隋帝謚
曰恭

正觀二年八月制曰二王之後禮數宜崇寢廟不嚴廩餼
多闕非所以追崇先代式敬國賓可以令所司量置國官
營立廟宇

永昌元年十一月一日制以周漢之後為二王仍封舜禹
成湯之裔為三恪至神龍元年五月十日制宜依舊以周
隋為二王後

開元三年二月勅二王後每年四時享廟牲及祭服祭器
並官給及帷幄几案有闕亦官給主客司四時省問子孫
唯同正三品蔭隋後每年給絹三百疋米粟三百石周後

每年賜絹二百疋粟二百石並春秋支給仍准見承襲人
親兄為分襲者與三分餘各一分兄弟有得職事官者其
物即還見襲人十五年閏九月勅二王後為賓者會賜同
京官正三品其夫人亦同諸王公以下無子孫以兄弟為
會曾經侍養者聽承襲贈爵者亦准此若死王事雖不曾經侍養

亦聽承襲又二王後犯罪當除爵者改立次賢

天寶七載五月十三日制自古帝王建邦受命必敬先代
周備禮文既存三恪之位漢從損益唯立二王之後自茲
已降且復因循將廣繼絕之恩式弘復古之道宜於後魏
子孫中擇棟灼然相承者一人封為韓公鄜介公例立為三恪
九載六月六日處士崔昌上封事推五行之運國家上承
周漢其周隋不合為二王後請廢詔下尚書省集公卿議

昌負獨見之明群議不能屈會集賢學士衛包抗表陳論
議之夜四星聚於尾宿天象昭然上心遂定乃求殷周漢
後為三恪廢韓介鄒等公以昌為贊善大夫包為虞部員
外郎至十二年五月九日魏周隋依舊為三恪及二王復
封韓介鄒等公其周漢魏晉齊梁帝王廟依前祭六月九
日崔昌衛包等貶官大和五年正月鄒國公揚元濬奏臣
先祖隋文帝等陵四所在鳳翔一所在揚州兩所京兆府一
所准去年四月九日勅二王後介國公先祖陵例每陵每
月各給看守丁三人鳳翔府已蒙給丁訖其京兆府及揚
州未蒙准勅例給勅旨各令州府准元勅處分
開成五年十月勅介公宇文士元亡宜輟今月五日朝參
便為常式

會昌三年八月中書門下奏二王後為國賓又是一品前
年方與輟朝請編入令式從之

朔望朝參

正觀二十二年十月八日令百寮朔望日服袴褶以朝

永徽元年十月五日_令京官文武五品依舊五日一參

神龍元年四月十四日初令文武官五品已上每朔望參

日并殿食

先天二年十月勅文武官朝參着袴褶珂繳者其有不着
入班者各奪一月俸若無故不到者奪一季祿其行香拜
表不到亦准此頻犯者量事貶降其衣冠珂繳乃許着到
曹司

開元中蕭嵩奏每月朔望皇帝受朝於宣政殿先列仗衛

及文武四品已下於庭侍中進外辨上乃步自序西門出
并御座朝罷又自御座起步入東序門然後放伏散臣以
為宸儀肅穆升降俯仰衆人不合得而見之乃請備羽扇
於殿兩廂上將出所司承旨索扇扇合上座定乃去扇給
事中奏無事將退又索扇如初令以常式
開元二十五年御史大夫李通奏每至冬正及緣大禮應
朝參官并六品清官並服朱衣餘六品以下官許通着袴
褶如有祿故准式不合着朱衣袴褶者其日聽不入朝自
餘應合着而不着者請奪一月俸以懲不恪制曰可
天寶三載二月三十日勅百官朔望參應服袴褶并着珂
織至閏二月一日宜停自今已後每逢此閏仍永為常式
六載九月二十一日勅自今已後每朔望朝晚於常儀一

刻進外辨每座喚伏奉今朝官從容自至閣門入至障外不須
趨走百司無事至午後放歸無為守成宜知朕意至十二
載十一月十三日御史中丞吉溫奏請京官朔望朝參着
朱衣袴褶五品已上着珂織制曰可十三年九月御史中
丞吉溫奏朔望朝參望自今已後除伎術官外餘官不到
兩人已上者及本司官長各奪一季祿五人已上者奏聽
處分至冬應合着袴褶并珂織若不具者請准勅彈奏從
之
十四載三月一日勅常參官分日入朝尋勝宴樂
乾元三年四月十五日勅員外郎五品已上常參官自今
已後非朔望日許不入賊平之後依舊常參時安史據河洛故也
廣德二年九月一日勅朝官遇泥雨准儀制令停朝參軍

國事殷若准式停恐有廢闕泥既深阻許延三刻傳點待
道路通依常式已後亦宜准此
大曆七年六月御史大夫李栖筠奏伏以朝廷之儀義當
祇肅今者以手力資錢比俸祿舊罰請准永泰元年八月
勅為定其一司之中有三人已上是參官其日並不到者
本司長官請罰一月手力資錢其一月內三度不到者雖
每度有罰亦准前罰一月資錢每月仍便於左藏庫折納
其有久不朝謁并假過百日已上者望令本司錄奏如相
容隱臺司訪察彈奏餘請依後勅處分從之
又文武常參官或有晚入并全不到及班列失儀委御史
臺錄名牒所由奪一月俸經三度已上者彈奏准開元二
十二年五月勅如聞朝官仗下多則門及中書門下不散

自今已後宜令臺司糾察除公事見宰相一切從正門出
違者彈奏又准乾元元年勅朝參官無故不到奪一月祿
正元二年八月一日御史中丞竇參奏准儀制令雨合停
伏以軍國事殷恐有廢闕請令每司長官一人入朝有兩
員并副貳亦許分日其夜甚雨至明不止許令仗下後到
外廊食訖入中書其餘官及王府長官並請停朝任於本
司勾當公事泥雨經旬亦望准此
七年十一月詔常參官入閣不得奔走其有周已下喪者
禁祿服朝復衣綾袍金玉帶初金吾將軍沈房有弟喪公
服不衣祿服入門上問宰臣董晉對曰准式朝官有周已
下喪者許服絕縵衣不合淺色上曰南班何得有之對曰
因循而然又曰在式朝官皆以綾為袍五品已上服金玉

帶取其文綵華綉以奉上也昔尚書郎含香此意也
八年十月復命金吾置門籍過工曰南越何計前二健曰
十二年四月御史中丞王顏奏吏部兵部禮部侍郎郎中
員外郎共一十三員起去年十一月一日至今年三月三
十日並不朝臣此謂選限內不朝實憑格勅去三月二十
一日輟前件官並闕奉慰臣刺中書門下省并兵部吏檢
勅格無文伏以國朝故事開元已前旬假節日百官盡入
朝至天寶五載始放旬節假日不入近年又賜分日伏緣
優貸之厚有改慢易之愆詔自今已後吏部兵部尚書侍
郎除試人詮注唱官并禮部侍郎兵部南曹官試人及入
宿日其餘朝官參官並准式尋為吏部兵部禮部奏舉詔
又可之

十三年正月御史臺奏諸司常奏文官隔假三月已上並
橫行參假其武班每月先配九參比來或經冬至及歲寒
食等三節假滿不是本配八日並不橫行事實乖闕請從
自今已後每經三節假滿縱不是本配八日亦請依文官
例參從之其年六月十二日勅卿等朝謁是常或陰雨不
聞鼓聲則不免奔波走馬忽有墜損深軫朕懷自今已後
縱鼓聲差池亦不得走馬及時暑稍甚雨雪泥潦亦量放
朝參
十五年四月膳部郎中歸崇敬以百官朔望朝服袴褶非
古禮上疏曰按三代典禮兩漢史籍並無袴褶之制亦未
詳所起之由隋代以來始有服者不師古請罷之奏可
元和元年三月准吏部兵部尚書侍郎郎官并禮官侍郎

御史中丞武元衡奏前件等司迺起十月至來年三月稱
在先選舉退內不奉朝參令式無之禮欲斯闕一年之內
半歲不朝去正元十二年中丞王顏奉勅釐革辭在明文
尋又因循輟自便改若以兵部禮部舉選限內事繁即中
書門下御史御臺度文京兆府公事至重朝請如常而况
旬節已賜休常參又許分日一月之內纔奉十日朝參其
間甚熱甚寒皆蒙預放臣以為王顏舉奏甚詳當時勅文
處分甚備請准正元十一年四月勅旨自今已後永為常
式他年妄改條請委臺司彈奏廢使班行式序典法無虧
依奏

二年十二月御史臺奏文武常參官准乾元元年三月勅
如有朝堂相弔奏及跪拜待漏行立不序談笑喧譁入衙

門執笏不端行立遲慢至班列立不正趨拜失儀言語微
喧穿班伏出閣門不即就班無故離位廊下食行坐失儀
語鬧入朝及退朝不從正衙出入非公事入中書每犯奪
一月俸今商量舊條每罰各減一半有犯必舉不敢寬容
如所由指揮尚抵拒飾非即請准舊例錄奏貶官從之
四年十月御史中丞李夷簡奏准正元十二年四月中丞
王顏元和元年三月中丞武元衡奏兵部吏部禮部侍郎
官每年舉選限內不奉朝參又今年所造選格不詳勅文
復請明日朝參臣合彈奏勅宜准正元十二年四月勅處
分

九年十二月勅起來年正月已後每朔望日刑部侍郎郎
中員外大理卿少卿及中丞一人時對其日宰相并次對

中謝官並不用來

十年三月壬申朔御延英殿召對宰臣故事朔望日御宣政殿見群臣謂之大朝玄宗始以朔望陵寢薦食不聽政其後遂以為常今之見宰臣時以事召也其年六月勅御史臺自今已後常參官每入班以見到人名銜進來其朔望及雙日勿進是月詔自今已後許寅後二刻傳點及是質明後朝騎有尚在街中者特坐紫宸殿久之而朝班未至因命宰臣宣諭之乃復以時命宰臣戒九街御史中丞裴度過盜故也十四年二月詔朔望據錢多少每貫罰二十五文仍委御史臺糾察聞奏大中四年十月望不視比之大祠故也大和元年六月勅文武常參官朝參不到御史中丞魏謩奏准兵部吏部禮部三司尚書侍郎等官一十三員主舉

選試五箇月不朝參近已條流聞奏訖奏勅前後勅文處分有司不合妄更奏論准正元十二年元和四年彈奏前件三司除試人及入宿外並不合不朝參勅文曾未經年三司復此論奏今具前後勅文如前勅者本是五箇月不朝今許不過一兩月奏不權放必恐擁滯准兵部選事勞逸尤與吏部不同選限內遇公事繁併日在具事由牒臺尋常不在放朝參限

天祐二年十二月勅漢宣帝中興五日一聽朝歷代通規宜為常式今後每月只許一五九日開延英計九度其入閣日仍於延英日一度指揮如有大段公事中書門下具勝子奏請開延英不拘日數三年六月勅文武百寮每月一度入閣於正觀殿正觀大

殿朝廷正衙正王之辰受群臣朝賀比來視朔未正規儀
今後於崇勳殿入閣

廊下食

正觀四年十二月詔所司於外廊置食一頓

出國朝故事
正史檢不獲

正元二年九月舉故事置武班朝參其廊下食等亦宜加

給

唐會要卷第二十四

唐會要卷第二十五

推忠協謀佐理功臣光祿大夫守司空兼門下侍郎

同中書門下平章事監脩國史上柱國太原郡開國

公食邑二千戶實封四百戶臣王溥纂

輟朝 雜錄 百官奏事

親王及百官行立位

文武百官朝謁班序

輟朝

開元十八年十二月左丞相燕國公張說薨輟朝五日廢

元日朝會

二十九年十一月寧王憲薨輟朝十日

正元十五年七月以黔府觀察使王礎卒輟朝一日故事

團練觀察使卒未有廢朝者自礎始焉其年九月義成軍節度使盧群卒輟朝故事節度使卒從皆先廢朝然後除代至是先除尚書右丞李元素然後輟朝非也十六年以徐泗濠等州節度使張建封卒輟朝近例節度使帶僕射以上卒輟朝三日尚書以上_下之下都團練觀察使則否洎正元八年嗣曹王臯十一年李自長皆以節度使帶尚書卒各輟朝三日至十四年樊澤以僕射卒輟朝一日十五年黔府觀察使王礎卒特為輟朝一日_{以供不}定載盡

元和九年六月丙子天德軍經畧使周懷義卒輟朝一日經畧使廢朝自懷義始也

大和九年七月太常博士崔龜從奏大臣薨輟朝日伏以廢朝軫怛義重君臣所貴及哀尤宜示信自頃已來輟朝非奏報之時備禮於數日之外雖遵常制似不本情臣不敢遠徵古書請引國朝故事正觀中_{在任}在環卒有司對仗奏聞太宗責其乖禮岑文本既歿其夕為罷鼓嚴張公謹之亡哭之不避辰日是知憫悼之意不宜過時臣謂大臣薨禮合輟朝縱有疑務急速便殿須召宰臣不臨正朝無爽事體如此則由衷之信載感於幽明稱情之文無虧於禮典太常寺_奏恭定伏以近日文武三品已上官薨卒皆為輟朝其間有未經親重_任之官令任又是列散者為之禮變誠恐非宜自今已後文武三品已上非曾任將相及曾在密門下奏覆古有當祭告喪義在申請同體過時而哭於理為乖禮院所請合輟朝者各以聞哀之時明日請依餘酌

太常寺所奏別具品例輕重進定謹按儀制令百官正一品喪皇帝不視事一日又准官品令太師太傅太保太尉司徒司空已上正一品太子太師太子太傅太子太保已上從一品侍中中書令已上正二品左右僕射太子少師太子少傅太子少保三京牧大都護上將軍統將已上從二品門下中書侍郎六尚書左右散騎常侍太常宗正卿左右衛及金吾大將軍左右神策神武龍武羽林大將軍內侍監已上正三品御史大夫殿中秘書監七寺卿國子祭酒少府監將作監京兆河南尹已上從三品緣令式舊文三品已上薨致通有輟朝之制伏以君臣之間禮情所及事必繁於委遇官則以時重輕一用舊儀咸乖中道臣等參配色目如前其留守節度觀察都護防禦經畧等使

並請各據所兼官為例依奏其年九月中書門下奏近奏定合輟朝官品勅已尋行其致仕官多是優禮合同正觀勅例未該須有處分自今已後其致仕官如非曾任三品已上正官及歷四品清望並不在此例依奏勅應官至丞郎亡歿合有廢朝况班在諸司三品之上自今已後宜准諸司三品官例處分

因尚書左丞更散休薨乃降是勅也

大和八年七月太僕卿段伯綸字伯綸秀實之子自古歿身以利社稷無如秀實者文宗乃特加贈仍輟朝一日以禮忠臣之嗣

會昌三年八月中書門下奏親王公主葬日准德宗以前實錄並合輟朝一日請自今已後准故事處分又京官一品尚書省二品及時舊相方臻此位比來同刺史曾任監

例輟朝一日恐輕重不倫起今後並望輟朝兩日又二王後為國賓又是一品前年方與輟朝請編入令式又駙馬登朝之初例除四品既是國家不合繫於品秩望輟朝一日並依奏

大中十一年右羽林統軍鄭光卒上之元舅也詔贈司徒輟朝三日御史大夫李景儉上疏曰鄭光是陛下親舅外族之愛誠軫聖心今以輟朝之數比於親王公主即前例所無縱有似不可施用何者先王制禮所貴防微大凡人情於外族則深於宗屬則薄先王制禮割愛厚親據開元禮外祖父母親舅喪止服小功五月若親伯叔親兄弟即服齊縗周年所以踈其外而密於內也有天下者尤不可使外戚強盛今鄭光輟朝日數望速改詔命輟朝一日或

兩日示其升降有差恩禮無備垂之百王永播芳烈疏奏乃詔罷朝兩日

雜錄

開元元年十二月勅諸文武官三品已上及中書黃門侍郎若遇雨聽着雨衣及帽至殿門外并聽着出入又諸文武三品已上帶職事者欲向田莊不出四面閑者不須辭見致仕朝望朔者准此
二年閏二月七日敕每受朝日平明後伏未下前皇城內正南街宜斷人馬來往
十五年七月勅文諸道遙授官自非路便即不須赴謝
天寶十三年七月勅自今已後應正衙引辭官當日不發委御史臺察訪聞奏

正元十三年六月詔自今已後時暑及雨雪泥潦亦量放朝參

十五年正月丁亥不視事以公卿等朝拜諸陵故也初是月七日拜陵官發其日本視事適會董晉卒廢朝至六年二月公卿拜陵發日遂不親視事迄今因循行之

元和元年三月御史中丞武元衡奏中書門下御史臺五品已上官尚書省四品已上官諸司正三品已上官及從三品職事官東都留守轉運鹽鐵節度觀察都團練防禦招討經畧等使河南尹同華州刺史諸衛將軍三品已上官除授皆入閣謝其餘官許於宣政南門拜訖便退從之二年六月百官初入待漏院候禁門啓入朝故事建福望仙等門昏而閉五更而啓與諸里門同時至德中有土蕃

自金吾伏亡命因勅晚開宰相待漏太僕寺車坊至是始令有司各據班品置院於建福門

五年十二月義武軍節度使張茂昭舉族歸朝至京師故事雙日不坐是日特開延英

十四年八月上謂宰臣曰今天下雖漸平尤須勤於政理若遇休暇頻不坐朝有事即詣延英請對勿拘常制十五年正月十三日延英開宰臣及群官往對已而上却不坐以中書侍郎令狐楚有事于太清宮故也其年十月下元假召宰臣對於延英議邊事也
大和七年正月戶部侍郎庾敬休奏當司未有待漏院今請於鹽鐵度支待漏院側創造依奏
九年八月御史臺奏應文武朝參官新除授及諸道節度

觀察經畧防禦等使及入朝赴鎮並合取初朝謝日先就廊下參見臺官然後赴正衙辭謝或有於除官之日及朝覲到城忽遇連假三日以上近例便許於宣政門外見謝訖至假開亦須特到廊下參臺官者請自今已後如遇連假已見謝訖至假開亦須特到廊下參臺官依奏開成元年正月勅自今已後每遇入閣日次對官未要隨班並出並於東階松樹下立待宰臣奏事退令齊至香案前各奏本司公事左右史待次對官奏事訖同出其年五月中書門下奏自今已後除刺史並望延英對了奏發日限促不遇坐日許於臺司通將待延英開日辭了進發從之

三年二月御史臺奉宣自今已後遇延英開擬中謝官委

司臺前一日依官班其名銜奏如先奏即不在中謝限又勅新授方鎮延英開日便令中謝其兩省官中謝即不在今本司前一日奏聞餘依其年三月堂帖奉宣新授刺史於閣內及延英中謝不必須候延英開其月中書門下奏僕射尚書侍郎左右丞五監九寺大卿監准開成元年三月勅每遇延英開並令候對如入閣日班退後各紫宸殿前東西松樹下依位立本司有公事即聞奏者伏以兩衙坐日宰臣及次對官奏事比及退朝已是辰巳之間若更祇候即廢闕公務今日延英面論並請停罷如須顧問隔宿及臨時宣召必不稽遲依奏其年十月莊恪太子薨中書門下奏輟朝合至月末舊無起居之禮頗乖臣子之心臣等商量隔三日一赴延英進起居廢協情禮從之

四年正月中書門下奏尚書省四品已上官及諸卿監等
遇兩衙坐日宜令兩人循環於閣內及延英祇候者勅前
件官等若當待制之日重差定憲慮妨公事起今已後合
祇候官請不在待制之限依奏其年二月御史中丞高元
裕奏伏以近日丞郎已上官未就食之前時有稱疾便請
先出請自今合候對官遇延英開日有事要與宰臣商量
者即請拜食後先出仍事須前牒臺司或年齒衰遲不任
每度就食者量許三度伏下後先出其餘官不在此限如
違請每月終一度具名聞奏依奏

百官奏事

舊制六品已下官奏事皆自稱官號臣姓名然後陳事通
事舍人侍御史殿中侍御史則不稱官號

正觀四年五月五日上謂房玄齡等曰君於臣子情亦無
別前如悔亡朕為不視事數日惻愴之今任環亡豈有內
外殊異所司不進狀乃對仗便奏此豈識朕意如朕子弟
不幸死亡公等可如此奏耶今日後不得如此

永徽二年十二月詔五品已上上封事不能進聽伏下面
奏

景龍二年二月七日勅伏下奏事人宜對中書門下奏若
有秘密未應揚露及太史官不在此限至三年二月二十
六日勅諸司欲奏大事並向前三日錄所奏狀一本先進
今長官親押判官對仗面奏其御史彈事亦先進狀至開
元五年九月十二日詔比來百司及諸使奏陳皆待仗下
頗乖公道須有革正自今已後非灼然秘密不合彰露者

並令對伏如文書浩大事理文交雜者仍先進狀其太史官
自依舊例至六年七月二十八日詔曰百司及奏事皆合
對伏公言比日已來多伏下獨奏宜申明舊式告語令知
如緣曹司細務及有祕密不可對伏奏者聽伏下奏
開元十八年四月二十一日勅五品已上要官若緣兵馬
要事須面奏者聽其餘常務並令進狀
興元元年九月上謂宰臣曰近者朝官諫言都不陳奏時
之利病何以知之自今每正衙及延英坐日常令朝官三
兩人面奏時政得失庶有私益

正元十四年二月太常卿齊抗奏元日朝賀奏事戶部禮
部尚書司天監奏開元禮並令於橫班同群官拜訖然後
依次奏事自後並未拜已前先就階上立奏事畢隨例便

退既無禮度則有闕儀今請依開元禮部戶部尚書已上
於南班再拜訖便隨上公并于階就東向位立准儀注奏
事以補舊儀可之

十八年七月嘉王府諮議高弘本正衙奏事自理逋債因
下勅曰比來百官每於正衙奏事至於移時為弊亦甚自
今已後不須於正衙奏事如要陳奏者並於延英進狀請
對正衙奏事不易之制正觀之間孜孜理道講陳政事其
後正衙奏御凡在列位無不上達今弘本贖禮罪之可
也因人而廢其事不可

長慶二年七月御史臺奏文武常參官閣內奏事近年無
例昨者威衛將軍高扶援引德音迥出班位緣非彈奏本
條未敢舉勘起今已後其文武常參官應有諫論合守進
狀常例有違即請奏彈從之

會昌元年六月勅今後應有朝官及上封事人進章表論人罪惡並須證驗明白狀中仍言請付御史臺不得更云請留中不出如軍國要機事關密切不在此例

親王及朝臣行立位

正觀十二年正月十五日禮部尚書王珪奏言三品已上遇親王於途皆降乘違法申敬有乖儀注上曰卿輩皆自崇貴卑我兒子乎特進魏徵進曰自古迄茲親王班在三公之下令三品皆天子列卿乃八座之長為王降乘非王所宜當也求諸故事則無可並行于今又乖國憲上曰國家所以立太子者擬以為君也然則人之脩短不在老幼設無太子則母弟次立以此而言安得輕我子也徵又曰殷家尚質有兄終弟及之義自周以降立嫡以長所以絕

庶孽之窺窬塞禍亂之源本為國者宜知所慎於是遂可

珪奏

開元六年八月一日右散騎常侍褚無量上疏曰臣謹詳諸史氏案以禮經有親親之義尊尊之道所以重王室敬耆年今陛下續舊惟新睦親尚齒朝義品列宜更申明至若命以嗣王用宗主祭養夫國老蓋在乞言會於朝班合從上列准令嗣王正一品今乃居庶官之次頗為閒雜須有甄明臣伏見開府儀同三司在三品前立望請嗣王亦與開府同行諸致仕官各於本司之上則重親尚齒典禮式存五日勅九族既穆百官有序至於班列宜當分位嗣王實光於主祭國老有貴於乞言比在朝儀尚為閒雜非所謂睦親敦舊之義也嗣王宜與開府儀同三司等致仕

官各居本司之上用永為常式
七年八月勅諸王入朝及別恩追至朝參日未入間於便
近處坐仍令所司陳設
建中元年十一月詔親王出閣就本列至正三年七月詔
宗廟尚爵朝廷尚官今嗣群王爵雖居高官或在下列於
上官之上非制也至四年七月勅自今已後嗣群王列於本官之下也
至元二年十月九日御史臺奏每有慶賀及頒上表並合
上公行之如無上公即尚書令僕以下行之其嗣王合隨
宗正若有班立位合依三品
四年七月二十七日勅今後嗣群王列於官班之上庶子
宜在卿之上

文武百官朝謁班序

正元二年六月御史中丞竇參奏起今已後班七人以上
同日不到者請具名聞奏從之其年九月五日勅應文武
百官朝謁班序

中書門下侍中書令同中書門下供奉官門下左右散騎常侍
中書門下平章事各以本官序
左中書門下平章事各以本官序右中書門下平章事各以本官序
隨左右省其御史大夫中丞侍御史左右殿中侍御史左右通
事舍人分左若橫行參賀辭見御史臺右中丞大夫在散騎常侍之下
御史臺右中丞大夫在散騎常侍之下
度使觀察使都團練都防禦使并大都督大都護持節兼
者即入班在正官之次餘官兼者各從本官班序御史在
也之後諸使司下無本官唯授內供奉裏行者即入班亦在
正官之次有本官兼者各從本官班序如本官不是常參

官并憲官是攝者唯御史班中辭見殿中省官監少監尚
衣尚舍尚輦奉御分左右隨繖扇立若入閣亦如之

一品班 三太三公太子三太嗣群王散官開府儀同三
司國公等同班

二品班 尚書左右僕射太子三少京兆河南牧大都督
大都護散官特進光祿大夫爵開國郡公開國縣公并上

柱國同
三品班 六司尚書太子賓客九寺卿國子祭酒三監京

兆等七府尹詹事親王傅中都督上都護下都護都督上
州刺史五大都督府長史上都督府都護散官金紫光祿

大夫爵開國侯勳上護軍下護軍
四品班 尚書左右丞六司侍郎太常少卿宗正少卿左

右庶子秘書少監餘七寺少卿國子司業少府將作少監
京兆河南太原少尹少詹事左右諭德家令率更令僕親

王長史司馬鳳翔等少尹中州刺史下州刺史大都督護
司馬散官正議大夫通議大夫大中大夫中大夫爵開國

伯勳官上輕車都尉
五品班 尚書諸司郎中國子博士都水司使者萬年等

六令太常宗正秘書丞著作郎殿中丞尚食尚藥尚舍尚
輦奉御大理正中允左右贊善中書舍人洗馬親王諮議

散官中散大夫朝請大夫朝散大夫爵開國子開國男勳
官上騎都尉

武班供奉宣政殿前立位 從北千牛連行立次千牛中
郎將次千牛將軍一人次過狀中郎將一人次接狀中郎

郎將次千牛將軍一人次過狀中郎將一人次接狀中郎

將一人次押柱中郎將一人次又押柱中郎將一人次排階
中郎將一人次又押散手伏中郎將一人已上在橫街北
次南金左右大將軍

入閣升殿 夾階座左右從南千牛將軍一人次千牛郎
將一人次千牛將軍一人次千牛連行立柱外過狀中郎
將一人接狀中郎將一人次押柱中郎將一人排階中郎一
人階下排散手伏中郎將一人金吾將軍分左右立
應當上合入閣人各依前件立其不入閣人各依本職事
立非當上人遇合參日並從本官品第班序其入閣升殿
除千牛衛將軍中郎將外餘並以左右中郎將充其諸衛
及率府中郎將不得升殿
一品班 群郡王散官標騎大將軍爵國公

二品班 散官輔國大將軍鎮國大將軍爵開國郡公開

國縣公勳官 上柱國柱國

三品班 左右衛左右金吾衛左右驍衛左右武衛左右

威衛左右將軍衛左右監門衛左右千牛衛大將將軍諸

衛將軍散官冠軍大將軍雲麾將軍爵開國侯勳官上護

軍護軍

四品班 左右千牛衛左右監門衛中郎將親勳翊衛中

郎將太子左右衛太子左右衛司率清道內率監門副率

太子親勳翊衛中郎將上府折衝都尉中府折衝都尉散

官忠武將軍壯武將軍宣威將軍明威將軍爵開國伯勳

上輕車都尉輕車都尉

五品班 親勳翊衛郎將軍太子親勳翊衛郎將親王典

軍親王府副典軍下府折衝都尉上府果毅都尉散官定
遠將軍寧遠將軍游騎將軍游擊將軍爵開國子開國男
勳官上騎都尉騎都尉
尚書省官 據周禮先殿六官唯六典尚書為百官之本
今每班請以尚書省官為首
東宮官王府官外官 東宮官既為宮臣請在上臺官之
次王府官又次之三太三少賓客右庶子王傅既為師傅
賓相不同官屬請仍舊

太常宗正丞 並隨寺望合在秘書丞上
尚食奉御尚藥奉御 本局既隸殿中省合在殿中丞之

下
諸王府官 行例合以王長幼為序

檢校官兼官及攝試知判等官 並在同類正官之次
其有行守檢校兼試攝判等官職事者即依正官班叙除
留守副元帥都統節度觀察使都團練都防禦使并大都
督大都護特節兼外餘應帶武職事位在西班仍各以本
官品第為班序
含元殿前龍尾道下叙班 舊典此意唯合於通乾觀象
門南叙班自李若水任通事舍人奏更於龍尾道下叙班
既非典故今請停
文武官行立班序 通乾觀象門外序班武次文至宣政
門文由東門而入武由西門而入至閣門亦如之其退朝
即並從宣政西門出
文官克翰林學士皇太子侍讀諸王侍讀武官克禁軍職

事准舊例並不常朝參其翰林學士大朝會日准興元元年十二月二十九日勅朝服班序宜准諸司官知制誥例在集賢史館等諸職事者並請朝參訖各歸所務其辭見宴集班列先後請依天寶三載七月二十八日禮部詳定所奏勅公式令諸文武官朝參行立二王後位在諸侯王上餘各依職事官品為序職事同者以齒致仕官各居本色之上若職事與散官勲官合班列文散官在當階職事者之下武散官次之勲官又次之官同者異姓為後若以爵為班爵同者亦准此其男已上任文武官者從文武班若親王嗣王任早者職事仍依本品群王班三品已下職事者在同階品上自外無文武官者嗣王在太子太保下郡王次之國公在正二品下郡公在從三品下縣

公在正四品下侯在從四品下伯在正五品下子在從五品上男在從五品下即前官被召見及赴朝參致仕者在本品見任上以理解者在同品下其在本司參集者各依職事諸散官三品已上在京者正東朝會依百官例自餘朝集及別使臨時聽儀制令諸在京文武官職事九品已上朔望日朝其文武官五品已上及監察御史員外郎太常博士每日常參武官五品已上仍每月五日十一日二十一日二十五日參三品已上九日十九日二十九日又參當上日不在此例其長上折衝果毅若文武散官五品已上直諸司及長上者各准職事參其弘文館崇文館及國子監學生每季參若雨露失容及泥潦並停諸文武九品已上應朔望朝

參者十月一日已後二月二十日已前並服袴褶五品已上着珂傘周喪未練大功未葬非供奉及宿衛官皆聽不趨
常參文武官准令每日參自艱難已來人馬劣弱遂許分日望許依前分日參待戎事稍平加其俸祿即依常式其武官准令五品已上每月六參三品已上更加三參項並停廢今請准令却復舊儀其朔望朝參及弘文館崇文館國子監學生每季參等請續商量聞奏以前御史中丞竇參等奏伏奉今年四月三日敕宜付所司與御史臺以近日體例參校禮文務從簡正詳定訖聞奏者臣等准敕詳定如前勅旨二品武班宜以左右金吾等十六衛上將軍依次為班首其檢校官兼及攝試知判等本官二品已上

者位望崇重禮異群僚宜依本班朝會餘依十三年十月徐泗節度使張建封入朝親詔參令入大夫班亦優禮也二十年十月御史中丞武元衡奏准正元二年班序勅使下三院御史有本官是常參官兼者即入本官班如內供奉裏行即入御史班緣使下御史近例並不在內供奉班內請自今已後諸使下御史內供奉者入聞日并依宣政殿前班位次員外郎之後在正臺監察御史之上便為常式從之
二十一年五月御史臺奏准正元二年九月班序勅已有定制其橫行位次請一切依本班先後如遇雨泥廊下立班即依舊位又常參官辭見班令緣吏御史多帶兼官高下不等今請兼大夫者在諸司四品之上丞郎及供奉官

五品之下兼中丞者在諸司五品之上供奉官五品之下
兼侍御史者在諸司六品之上供奉官六品之下兼殿中
監察者在諸司七品之上及供奉官本品之下如本官帶常
參官攝御史者依本官班序仍舊例准入辭見如本官不
是常參官攝御史者不在此例又諸文武官朝參行立各
依職事官品為序者緣有檢校官高職事官卑及嗣王郡
王任職事官高卑不等今請應檢校僕射尚書已上及嗣
王郡王任職事官者一切在職事本品之上又准紫宸門
外班除供奉官其餘一切宣政殿前班序登階後任依舊
位如違請准乾元元年三月勅奪一月俸依奏
元和元年四月御史中丞武元衡奏正元二年御史中丞
竇參奏凡諸使兼憲官職除元帥都統節度使觀察都團

練防禦等使餘並列在本官之位請自今已後常參官御
史大夫中丞者准檢校省官例立在本品同類官之上從
之

會昌二年十月中丞李回奏准元和元年四月勅常參官
兼御史大夫中丞立在本品同類官之上自後尚書諸司
侍郎兼憲官與左右丞不常並置至於序立式有所疑臣
伏請依前遵守永為定制依奏尚書左丞孫簡奏伏以班
位等差本係品秩近者官兼臺省立位稍遷頗紊彛制理
亦未通今據臺司重舉元和元年所奏勅常參官兼大夫
中丞者准檢校官立左右丞之上者承前列曹侍郎兼
大夫者至少准京兆尹往往帶此官其京兆尹是從三品
至今班位只在本品同類官從三品卿監之上在太常宗

正卿三品之下其尚書左丞是正四品上戶部侍郎是
四品下今戶部侍郎兼大夫只合在本品同類官從三品
卿監之上在太常宗正卿三品之下其尚書左丞是正四
品上戶部侍郎是正四品下今戶部侍郎兼大夫只合在
本品同類官正四品下諸曹侍郎之上不合在正四品丞
郎之上與京兆尹在正三品卿監之下無異又據尚書右
丞是正四品下吏部侍郎是正四品上今吏部侍郎是正
四品上今吏部侍郎班位在右丞之下蓋以右丞官居省
轄職在紀繩吏部侍郎品秩雖高猶居在下推此言之則
左丞品秩既高又處綱轄之地戶部侍郎雖兼大夫豈驟
居其上今據散官自將侍郎上至開府特進每品從上下
名級各異則從上下又不得謂之同品今取於理切近者

用以比方今京兆河南司錄及諸州錄事參軍皆操紀律
紀正諸曹與尚書省左右丞綱紀六典畧同設使諸曹掾
因其功勞朝廷就加臺省官立位豈得便在司錄及錄事
參軍之上施於州縣尚謂非宜况在朝廷實為倒置且尚
書左丞自置此官職業至重按六典得彈射八座主省內
禁令及宗廟祠祭之事御史糾劾不當得彈奏之豈可不
究是非輕為措置今臺司所奏但言往例曾不揣摩事若
循理雖無往例亦合遵行事若非宜雖有往例便合改正
今據元和元年臺司所奏勅戶部侍郎兼大夫班位合在
兵部侍郎之上在左右丞吏部侍郎之下今若因循往例
不宜改正遣戶部侍郎兼大夫位在左右丞之上則京兆
尹兼御史大夫班位合在太常宗正卿之上不唯有紊典

章實恐重違元勅謹具正元二年已後勅旨如前伏乞重
賜參詳廢合事理勅旨緣御史臺與臺省各執所見因此
須為定制其宜令兩省官詳議聞奏
三年二月庫部郎中知制誥崔干奏兼御史大夫中丞一
班位奉勅宜令兩省官詳議聞奏者伏以御史大夫中丞
掌邦國憲法朝廷紀綱兼此官者皆以所領務重時為寵
獎近來諸司侍郎兼大夫者並在左右丞之上相承不改
行之已久况今使下監察御史裏行朝謝之時列在左司
郎中之上以此參比足可辨明况奉去年十月勅御史大
夫進為正三品寺丞進為正四品下郎官望等裏九重往
時酌從宜之文定可久之法合崇憲聯試叶朝儀請准前
例諸行侍郎兼御史大夫中丞者在尚書左丞之上勅宜

依崔干等所奏

唐會要卷第二十六

冊讓 舉人自代 讀時令

命婦朝皇后應儀制附

皇太子冠 皇太子加元服 皇太子見三師禮

不許與諸王及公主抗禮 鄉飲酒空大射

講武 牋表例 侍制官侍讀附

冊讓

正觀八年勅拜三師三公親王尚書令雍州牧開府儀
同三司驃騎大將軍左右僕射並臨軒冊授太子三少
侍中中書令六尚書諸衛大將軍特進鎮國大將軍光
祿大夫太子詹事九卿都督及上州刺史在京者朝堂
受冊至光宅元年並停
顯慶元年九月二十七日勅拜三師三公親王尚書令

雍州牧開府儀同三司驃騎大將軍左右僕射侍中中書令諸曹尚書諸衛大將軍特進領軍鎮國大將軍光祿大夫太子詹事太常卿都督及上州刺史在京者詣朝堂受冊至景雲九年八月十四日勅左右丞相侍中中書令六尚書已上欲讓者聽餘並不須至開元中宰相李林甫奏兩省侍郎及南省諸司侍郎左右丞雖是四品職在請要亦望聽讓

大曆十四年五月臨軒冊尚父子儀於宣政殿自神龍已來冊禮久廢准天寶末冊楊國忠為司空至是復行正元三年四月御宣政殿備禮冊拜太尉李晟受冊訖具羽儀乘輅謁太廟遂赴上於尚書省故事臨軒冊拜三公中書令讀冊侍中奏禮畢如闕即宰相攝之時宰相

相張延賞欲輕其禮始奏令兵部尚書崔漢衡攝中書令讀冊左散騎常侍劉滋攝侍中奏禮畢臨軒冊命宰相延賞素與晟有隙至是故特降臣不親行事自此始也裁其禮欲以輕之也

舉人自代

武德五年三月勅令京官五品已上及諸州總管刺史各舉一人其有至行者錄才用未申亦許聽自舉其陳藝能當加顯擢授以不次車外三日內各四顯慶四年十一月詔凡百官僚郡公卿尹除命多存飾上自茲已後宜各舉所知以自代仍其才行逆轉中書省叙用其弘道元年正月京官六品已上清望官及諸州岳牧各以已之職推讓三人並以名聞隨即升擢

上元二年九月二十一日敕文每除京官五品已上正員清望官及郎官御史諸州刺史皆令推薦一兩人以自代仍具錄行能聞奏審其所舉以行殿最
建中元年正月五日敕文常叅官及節度觀察防禦軍使城使都知兵馬使諸州刺史少尹赤令畿令并七品已上清官^望及大理司直評事授訖三日內於四方館上表讓一人以自代其外官委長吏勾當附驛聞奏其表付中書門下每官闕即以見舉多者量而授之
至元二年正月二十四日新授三日內上表舉人自代者比來所舉少有撥實殊乖求才之意自今已後每舉人皆令指陳其承前事跡分拆^析言之
元和六年十月中書門下奏准建中元年勅常叅官舉

人後便其所舉人兼狀上中書門下如官缺於此選擇進擬從之

咸通四年正月勅中外官宜准建中元年勅授官後三日舉一人自代

讀時令

正觀十四年正月二日命有司讀春令詔百官之長升太極殿列坐而聽焉

長安四年司禮少卿崔融上表曰臣伏見去年元日明堂受朝讀時令謹按讀時令自魏晉已來創有此禮每歲立春立夏大暑立秋立冬常讀五時令帝升御坐各服五時之色尚書令已下就位尚書三公即奉時令就位伏讀凡五時皆如之所以祗迓天和至宋朝亦行

斯理此後尋廢迄至國初但存讀令之文亦不行其事
自陛下御極創建明堂舊典缺本莫不補緝每至元日
受朝布政因以時令之禮附於元日行之令布政等禮
已停不合更讀時令所司因循去年元日尚讀有乖古
典事須停廢臣謹與鸞臺鳳閣考古詳議已停讀訖不
敢不奏
開元二十六年四月一日命太常卿韋縉每月進月令
一篇是後每孟月朔日上御宣政殿側置一榻東面置
案令韋縉坐而讀之諸司官長每升殿列坐聽焉歲餘
罷之
乾元元年十二月二十八日立春御宣政殿命太常卿
于休烈讀春令常叅官五品已下並升殿坐而聽之

正元六年二月制自今已後每至四孟月迎氣之日令
所司宣讀時令朕當與百辟卿士舉行之
大和八年六月中書門下奏漢丞相魏相奏云陰陽者王
事之本群生之命自古聖賢未有不由者也請選明經
通知陰陽者四方各主一時時至明言所職宣帝納用
遂制太平國開元中詔令春夏秋冬常令以孟月於正
殿受朝讀時令天寶已後盛典久廢災沴之作實恐由
斯臣等商量來年正月依禮讀時令命太常寺先撰儀
注務於簡便從之

命婦朝皇后

應儀制附

國朝命婦之制皇帝妃嬪及皇太子良婦以下為內命
婦公主及王妃已下為外命婦王之母妻為妃

永徽五年十一月武后初立群臣命婦朝皇后國子以來始有此禮
舊儀冬至元日百官不於光順門朝賀皇后至乾元元年
張皇后遂行此禮禮儀使工部侍郎于休烈先奏曰據
周禮有命夫朝人主命婦朝女君自永徽五年已來則
天為皇妃始行此禮其日命婦又朝光順門朝官命婦
並入雜處殊為失禮有詔乃停又云永徽五年已來則
雲景四年六月勅文武官五品已上母妻未受邑號告
身者不在朝會之限其月勅宗族命婦第一第二第三
品並每月二十六日參又諸親命婦非應朝參及須辭
見謝者皆不得輒參其會即所司錄人數送內待省內
謁者監前一日奏其日平明於宮城門外車馬集內謁
者監點引至命婦朝堂下車訖又典定然後奏帳訖各

報所由若辭見參謝及有獻奉亦平明至宮門整比一
時摠奏如勅追喚者隨至聞奏又親諸親五等已上內
命婦才人已上并外命婦朝參乘馬者聽乘至命婦朝
堂從人數准乘車例即入內者令一人監門校尉內侍
省高品官對看然後六柱國入若從內出准此其下從
入者即監搜若有婦人男婦並不得入諸親第一第等
及親王太妃妃下從婦女六人扶車三人散使二人外
命婦二品已下上從婦女二人扶車親王及太妃妃公
主遣阿姝及內監參下從扶車散使一人諸親及外命婦
朝賀辭見見參謝入內從聽依前件至內命婦朝堂及
天子官品高於等從高仍並不得乘擔子其尊屬年
又外命婦品大長公主長公主並視正一品郡主視從

一品縣主視正二品王妻為妃嗣王亦同文武官一品及國公其非始封者帶母妻為國夫人三品已上母妻為郡夫人四品若勲官二品有勲母妻為郡君五品若勲官三品有封母妻為縣君帶職者若勲官四品有封母妻為鄉君其母邑號皆加太字各視夫子之品即夫子兩有官及爵或准一人有官及爵者皆聽從高蔭及內命婦四品已上母並加邑號一品二品母為正四品郡君三品四品母並為正五品縣君東宮命嬪亦准此其會朝依命嬪制自外嬪人不因夫子號別加邑號者夫人云某品郡君某縣君鄉君並准此諸因夫子應授妃已下者見任官從本司無本司從大貫陳牒所司申奏給告身其申奏者所司摠為抄奏若未給授而夫子薨卒者不在給限

諸庶子有五品已上官封者若嫡母在所生之母不得為太妃已下無者聽之承重者不合又諸親婦人并命婦應長叅者每月二十六日及歲冬至寒食五月五日並命所司於命嬪朝堂供養入諸命嬪朝叅若行立次第各准夫子同班則非二王後夫人及職事五品已上命嬪並不在朝叅之例散官三品已上及王若國公得朝叅者母妻准夫子例當條自有制者依當條諸蕃人三品已上母妻應加邑號者並授諸外命嬪每朝叅光政景運永安等門車馬兩門放出入景運永安等門元和元年十月大常奏外命婦叅賀皇太后儀制自今已後每年元日冬至外命婦有邑號者并准式赴皇太后所居宮殿門進名叅賀其立夏立秋立冬并進名叅

如泥雨即停依奏

二年七月勅每年元日冬至立夏立秋立冬日外命嬪
朝謁皇太后自有常儀不合前却自今已後諸公主郡
縣主宜委宗正四司當常恭官母妻御史臺勾當如違
夫子奪一月俸無故頻不到者有司具狀聞奏
十五年二月大常寺奏內外命嬪請至朝賀恭奉前五
宗正寺先牒內侍省計會進名御史臺具集日轉牒諸
司餘准元和元年勅處分依奏
長慶四年三月禮儀使奏故事命婦有邑號者正至四
立並合行起居之禮緣其日兩宮起居若依舊章事涉
煩褻今請正至日即詣興慶宮起居訖詣光順門起居
制可

天祐二年七月二十三日勅冊皇太后內外命婦比合
朝賀今緣命嬪未有院宇兼慮或闕禮依若准舊儀恐
難集事宜令各據章表稱賀

皇太子冠

正觀五年正月有司上言皇太子將行冠禮宜用二月
為吉請追兵備儀注上曰今東作方興恐妨農事令改
用十月太子少保蕭瑀奏稱准陰陽家用二月為勝上
曰陰陽拘忌朕所不行若動靜必依陰陽不顧禮義欲
求福祐其可得乎若行所行皆遵正道自然當與吉會
且吉凶在人豈假陰陽拘忌農時甚要不可整失
開元六年侍中宋璟上表曰臣伏以太常狀以皇太子
冠准東宮典記有上禮之儀謹按上禮非右從南齊後

魏始有此事而垂拱神龍更扇其道群臣歛錢獻食君上厚賜答之姑息施恩方便求利每緣一事有此再煩齊魏乃胡虜之風故不足效後車諷有前車之戒應當取適皇太子冠乃盛禮自然合有錫賚上臺東宮兩處宴會非不獲厚其禮儀上停

皇太子加元服

正觀八年二月三日皇太子加元服
永徽六年二月五日皇太子加元服
內外文武官為父後者賜爵一級

顯慶四年十月十二日皇太子加元服

開元八年正月十一日皇太子將加元服
十二日太子謁太廟十三日宴百官於太極殿

皇太子見三師禮

正觀十二年七月禮部尚書王珪兼魏王師上問黃門侍郎韋挺曰泰昨與珪相見若為禮節挺對曰見師之禮答拜如儀訖王問珪忠孝珪答曰陛下王之君也事君思盡忠陛下王之父也事父思盡孝忠孝之道可以享天祐餘芳可以垂後業王曰忠孝之道已聞教矣願聞所集答曰漢東平王蒼云為善寂樂上曰我常語泰汝之事師如事我也泰每先拜珪珪亦以師道自居物義善之

十七年四月二十一日上謂房玄齡蕭瑀曰太子三師以德導人者也若師禮卑則太子無所取則於是詔令撰三師儀注太子出殿門迎先拜三師答拜每門讓三

師坐太子乃坐與三師書前名惶恐後名惶恐再拜其
年皇太子承乾失德魏王有奪嫡之漸內外議擬上惡
之謂侍臣曰當今朝臣忠謇無喻魏徵我遣傳皇太子
用絕天下之望及草詔曰徵識吾此意當不固辭及詔為太子
必不受師傳上曰徵識吾此意當不固辭及詔為太子
太師徵自陳有疾詔荅曰漢之太子四皓為助我之賴
卿即其義也知公疾病當卧護之即拜而奉詔其年四
月英公勳為特進太子詹事乃同書中門下三品上謂勳
曰我兒新登儲兩卿舊長史今已官事相委故有此受
屈資勿怪也以孤思之無越卿者公往不遺李密今豈
有遺朕哉勳雪淚致詞以謝
是月詔宰臣劉洎岑文本褚遂良往東宮與皇太子遊

處為賓客初洎上疏以皇太子初立宜遵師重學與正
人遊故上嘉歎行焉
太和八年十月太常禮院奏今月十七日皇太子與太
師相見請前一日開崇明門內外門所司陳設依奏
開元三年四月勅宜令師保賓客詹事左右春坊五品
已上官每至朔望日伏下與前件官詣崇明謁見皇
太子其一官兩負已上者任分番如遇陰雨休假其輟
放並權傳
其年八月勅太子太師鄭覃每月與賓詹左右春坊五
品已上官謁見皇太子宜令每月更添一日以二十六
日二十二日詣崇明門謁見若遇陰雨休假其輟朝放
朝即取以次雙日餘准今年四月勅處分九月勅太子

太師及東宮官每月二十六詣崇明門謁皇太子宜停
不許公主與諸王抗禮

正觀十一年中書舍人高季輔上疏曰切密見密王元
曉等事懿親陛下友愛之懷義高古昔分以車服委以
藩維須依禮儀以副瞻望比見帝子拜諸叔諸叔亦答
拜王爵既同家人有禮豈合如此顛倒昭穆伏望一垂
訓誠永循彝則

顯慶三年三月二十壹日詔父母之尊人倫以及舅姑
之敬禮經攸重苟違斯義有數彝倫如聞公主出適王
妃作嬪舅姑之父母皆降禮答拜此乃子道亡替婦德
不脩何以式序家邦儀刑列國自今已後可明加禁斷
一依禮法

神龍元年二月十五日制曰朕臨茲寶極位在崇高負
宸當陽雖受宗枝之敬退朝私謁乃用家人之禮近代
已來罕遵軌度王及公主曲致私情姑叔之尊拜放子
姪違背禮典情用撫然自今已後宜從革弊安國相王
及鎮國太平公主更不得輒拜衛生重俊兄弟及長寧
公主等宣示尊屬知朕意焉

鄉飲酒

正觀六年詔曰比年豐稔閭里無事乃有惰業之人不
顧家產用遊無度酣宴是耽危身敗德咸由於此每覽
法司所奏因此致罪寔繁有徒靜言思之良增軫歎自
匪澄源正本何以革茲弊欲俗當納之軌物詢諸舊章
可先錄鄉飲酒一卷頒行天下每年令州縣長官親率

長幼齒列有序迤相勸勉依禮行之庶家識廉耻人知敬讓

唐隆元年七月十九日勅鄉飲酒禮廢為日已久宜令諸州每年每年遵行鄉飲酒禮開元六年七月十三日初頒鄉飲酒飲天下令牧宰每年至十二月行之至十八年宣州刺史裴耀卿上疏曰州牧縣宰所寄者宣揚禮樂典冊經籍所教者返右還淳上奉君親下安鄉族聖朝制禮作樂雖行之日久而外州遠郡俗習未知徒聞禮樂之名而不知禮樂之實切見鄉飲酒頒於天下比來唯貢舉之日畧用其儀閭里之間未通其事臣在州之日率當州所管縣一一與父老百姓勸遵行禮奏樂歌至白華、黍南陔由庚等

章言孝子養親及群物遂性之宜或有泣者則人心有感不可尽誣但州縣久絕雅声不識古樂伏計太常具有樂器大樂久備和声望天下三五大州簡有性識人於大常調習雅声仍付笙竽琴瑟之類各三兩事令比州轉次造習每年各備禮儀准令式行禮稍加勸獎以示風俗二十五年二月勅應諸州貢人上州歲貢三人中州二人下州一人必有才行不限其數其所貢之人將申送一日行鄉飲酒禮牲用少牢以觀物克

大射

武德二年正月賜群臣大射於玄武門四年八月賜五品已上射於武德殿正觀三年三月三日賜群臣大射禮於立德門

五年三月三日賜文武五品已上射於武德殿
六年三月三日賜群臣大射於武德殿

十一年三月三日引五品已上大射於儀鳳殿

十六年三月三日賜百僚大射於觀德殿其年九月九

日又賜文武五品已上射於玄武門

永徽三年三月三日幸觀德殿賜群臣大射

五年九月三日御丹霄樓觀三品已上行大射禮四日

賜五品已上射升永光門樓以觀之

麟德元年三月三日展大射禮

自後遂不行此禮也

景雲二年諫議大夫源乾曜請行射禮上表曰臣聞聖

主之理天下也必制禮以正人情人情正則孝於家而

忠於國此道不替無不理也故君子三年不為禮禮必

懷是以古之擇士先觀射禮所以明和容之儀非取樂

一時夫射者別正邪觀德行申祭祀辟寇戎古者哲王

莫不通襲臣切見數年以來射禮便廢或緣所司惜費

遂使大射有虧臣愚以為所廢者物所全者禮故孔子

云爾愛其羊我愛其禮伏望令聖人之教今古常行天

下幸甚

先天元年九月九日御安福門觀百僚射至八日乃止

開元七年三月三日賜百官射

時金部員外郎李蕃與

善射者雖引滿俱不及深而互言工拙蕃戲曰與盧箭

俱三十步左右不曉蕃箭去梁三十步盧箭去身三十

也八年九月七日制賜百官九日射給事中許景先

駁奏曰近以三九之辰頻賜宴射已著格令猶降綸言
但古制雖存禮章多闕官負累陪帑藏未克水旱相仍

繼之師旅既不足以觀德又未足以威遠耗國損人且為不急夫古之天子以射選士諸侯以射飾禮樂以射觀容志故有駟虞理首之奏采蔡采蘋之樂天子則以備官為節諸侯以時會為節卿大夫以循法為節士以不失職為節皆審志固行德美事成陰陽克和景副戒作故諸侯貢士亦試於射宮容禮有虧則黜其地是以諸侯君臣皆重意於射射之禮也大矣哉今則不然衆官既多鳴鏑亂下以苟獲為利以偶和為能素無五善之容頗失三侯之禮冗官厚秩禁衛崇班勲盈累千其筭無數近河南河北水滂處多林胡小蕃見寇郊疊聖人憂勤招恤猶未能安今一箭偶中見一丁庸調用之既無惻隱獲之固無恥慙考古循今則為未可且禁衛

武官隨番許射能中的者必有賞焉此則訓武習戎時亦不闕待寇寧歲稔率由舊章則爰禮養人天下幸甚疏奏遂罷之至二十一年八月二十三日勅大射展禮先王創儀雖沿革或殊而遵習無曠往有陳奏遂從廢寢永鑿大典無忘舊章將射侯以觀德豈愛羊而去禮緬惟古訓罔不率由自我而闕何以示後其三元射禮即宜依舊遵行以今年九月九日賜射於安福樓下此自禮已後射遂廢

講武

武德元年十月四日詔殺氣方嚴宜順天時申曜威武可依別勅大集諸軍朕將躬自巡撫親臨校閱至八年十一月十日講武於同官縣

正觀八年十二月二十九日皇帝從太上皇閱武於西
顯慶二年十一月二十一日講武於滄水之南行三驅
之禮上設次於尚書臺以觀之許州長史封道弘奏尚
書臺本因漢南郡太守
馬融講尚書於此因以為名今陛下親降此臺以觀校
習請改為講武臺從之

五年三月二十八日講武於并州城北上御飛閣引群
臣臨觀之左衛大將軍張延師為左軍左右驍武等六
衛左羽林騎士屬焉左武侯大將軍梁建方為右軍威
凌武侯等六衛右羽林騎士屬焉一鼓而示衆再鼓而
整列三鼓而交前左焉曲直圓銳之陣右焉方銳直圓
之陣三挑而五變步退而騎進合而各復其位許敬宗
奏曰延師整而監建方敢而銳皆良將也李勣曰甲冑
精新將士齊力觀之者猶震恐况當其事乎上曰講閱

者安不忘危之道也梁朝衣冠甚盛人物亦多侯景以
數千人渡江一朝瓦解武不可贖又不可弃此之謂也
麟德二年四月二十五日講武於邛山之陽上御北城
樓以觀之

聖曆二年十月款以季冬講武有司稽緩延入孟春麟
臺監王方慶上疏曰謹按禮記日月令孟冬之月天子
命將師講武習射御角力此乃三時務農一時講武以
習射御角校才力蓋王者常事安不忘危之道孟春之
月不可以稱兵兵者干戈甲冑之摠名兵共金也金性
尅木春盛德在木而舉金以害盛德逆生氣也孟春行
冬令則水潦為敗雪霜大摯首種不入蔡邕月令章句
云太陰新休必陽尚微而行冬令以導水氣故水潦至

而敗物也。雪霜太摯，折傷者也。太陰干時，雨雪而霜，故太傷首種。首種謂宿麥也。麥以秋種，故謂之首種。入收也。春為雪寒所傷，故至夏麥不成長也。孟春講武，是行冬令以陽，故犯陰氣，害發生之德。臣恐水潦敗物，雪霜損稼，夏麥不登，無所收入也。伏望天恩不遠，時令孟冬教習，以順天道。制荅曰：循覽所陳，深合典禮。若違卿意，此乃月令虛行。佇起直言，用依來表。

先天二年十月十三日，講武於驪山之下，徵兵二十萬，鈿金甲，耀照天地。列大陣於長川，坐作退進，以金鼓之聲節之。三軍出入號令如一。上親擐戎服，持大槍，立於陣前。兵部尚書鄭元振以虧失軍容，坐於纛下，將斬之。宰臣劉幽求、張說跪於馬前，諫曰：元振羽戴，上皇有太

功於國，雖犯軍令，不可加刑。伏願寬宥，以從人望。及捨之配流新州，給事中知禮儀使唐紹以草軍儀有失，斬之。上既怒唐紹左右尤望寬之會右金吾將軍李邕遽請宣勅斬之時人痛惜紹而深咎邕尋有制罷邕官遂損廢薛訥為左軍節度衆以元帥及禮官得罪諸部終身也

頗亦失叙，唯訥及解琬軍不動，上令輕騎召訥等至軍門，不得入，禮畢持加慰勞。

開元八年八月，勅國家偃武教脩文德，百年于茲矣。自運屬清平，人忘爭戰，俎豆之事則常聞之，軍旅之禮戎所未暇。且五材並用，誰能去兵；四方雖安，不可忘戰。故周禮以軍禁紂，邦國以蒐狩習戎旅，不教人戰，是謂弃之。宜差使於兩京及諸州，簡取千萬人，務求灼然驍勇，不須限以蕃漢，皆放蕃後。差科准令團伍教練，辨其旗

物簡其車徒習攻取進退之方陳威儀貴賤之等俾夫
少長有禮疾徐有節將以畏威懷服將以保大定功協
于師正以弘武備應須期集及有蠲免所司明為條制
仍別作優當法聞奏至德二年八月御鳳翔府門大閱
三年正月御翔鸞閣習武廢自後遂
大中六年五月勅天下軍府有兵馬處宜選會兵法能
弓馬人充教練使每年依禮教習仍於其時申兵部法

賤表例

舊例上所及下其制六

天子曰制曰勅曰牒皇太子曰令親王公主曰教尚書省下州

州下縣下之達上其制有六為狀上皇太子曰牒啓鄉皆曰箭之有品也言曰解諸司相質問有三曰關上公文皆為牒廢人之言曰解諸司相質問有三曰關其通曰刺舉曰移連署

正觀十九年正月上征遼發定州皇太子奏請飛驛遞
表起居又請遞勅垂報許之飛驛奏事自此始也
其年五月十日高士廉劉洎等表稱皇太子與百官書
疏先無躰式請定其儀詔凡是處分論事之書皇太子
並畫令太子左右庶子已下署姓名宣奉行書案畫日
其餘與諸親友師傅等不在此限
天冊二年二月一日勅自今已後施勅行制及內外官
司奏狀文按並大字至聖曆元年四月十一日制勅公
文錢物倉庫計贓科罪傳符過所各依式及別勅作大
字餘尋常文按解牒進奏並依常式
景龍三年二月有司奏皇帝踐阼及加元服皇太后加
號皇后皇太子立及元日則更若京官五品已上在外

者並奉表疏賀其長官無者次官五品已上者賀表當
州遣使餘並附表令禮部整比送中書錄帳摠奏又應
上表啓及奏狀並大書一行不得過一十八字其署名
不得大書諸奏軍國事者並須指陳實狀不得漫引右
今凡須奏請者皆為表狀不得輒牒中書省若事少者
即於表內具陳使盡事情若多不可盡書者任於事前
作一事條表內不須重述

景雲二年六月勅南衙北門及諸門進狀及封狀意見
及降墨勅並於狀上書一題時刻夜題更等

先天二年三月三十日誥制勅表狀書奏牋牒年月等
數作一十二三三十四十字

開元二年閏三月初諸司進狀奏事並長官封題進仍

令本司牒所進門并差一官送進諸奏事亦准此中書

門下御史臺不須引牒其有告謀大逆者任自封進除

此之外不得為進如有違者并先決杖三十七年三月

二十六日勅胡書進表並令西蕃所由州府翻訖封進

十一年七月五日勅三都番守兩京每月一起居北都

每季一起並遣使即行幸未至所幸處其三都番守及

京官五品已上三日一起居若暫出行幸發處番守亦

准此並遞表

二十三年八月儀制令皇帝天子夷夏通稱陛下對上表通稱

至尊臣下內通稱乘輿服飾車駕所稱諸赴車駕所及詣行

在所皇太子已下率土之內於皇帝皆稱臣皇后已下

率土之內於皇帝太后皇太后皆稱妾六官已下

於皇后皆稱妾也

百官上疏於太皇太后皇太后稱殿下自稱皆曰臣百官及東宮對皇太子皆稱殿下上啓表同百官

自稱名宮官自稱臣

天寶十年十一月五日勅北來收守初上准式附表申

謝或因便使或有差官事頗勞煩亦資取置自今已後

諸郡太守等謝上表宜並附驛遞進務從省便至十三

載十一月二十九日詔自今已後每載賀正及賀赦表

並宜附驛遞送不須更差專使

會昌五年八月御史臺奏應諸道管內州合進元日冬

至端午慶陽等四節賀表自今已後其管內州並仰付

當道專使發遣仍及時催促同到如闕事知表狀判官

罰本職一月課料發表訖仍先於急遞中申御史臺除

四節外非時別有慶賀使司便牒支郡取表狀急遞至

上都奏委番至上都委番後官進奏緣使司賀表先來

其表郡表則待齊到一時付遞中發遣如前却亦准四

節制例處分舊例支郡不賀者即不用聚表賀奏

大中三年應邊鎮及諸道奏事表時有不題事由舊制

引進狀內每其所奏事由時邊鎮即將以討伐党項羗

兵機急速恐外人先知因此有此請自後諸道率多為

例亦無正勅及中書門下處分

待制官

正觀元年閏三月二十九日太宗謂蕭瑀曰朕少好弓

矢自謂能尽其妙近得良弓十數以示弓工曰皆非

良材也朕問其故曰本心不正則脉理皆邪弓雖剛勁

而遣箭不直非良巧也朕始悟焉朕以弓矢定天下四方用弓多矣而有天下日淺得為理之意固未及於弓弓猶失之何況於理自是遂延耆老問以政術京官五品已上更宿中書兩省太宗每延與語詢訪外事務知百姓疾苦政教之得失焉

永徽六年十二月五日詔禮部尚書弘文館學士許敬宗每日待制於武德殿之西門

顯慶四年二月二十八日引諸色目舉人謁見下詔策問之凡九百人李巢張昌宗秦相如崔行功郭待封五人為上第令待詔弘文館每坐日令五人隨仗供奉文明元年九月五日赦文宗京官五品已上清官每日於章善明福門各一人待制證聖元年左衛胄曹參軍

負半千充使吐蕃辭日則天謂之曰久聞卿名謂是古人不意乃在朝列境外小事不足煩卿宜且畱待制也遂與王安石抱忠並為弘文館學士仍與著作佐郎駱敬淳分日於明德門待制

先天二年十月五日勅京清官及朝集使六品已上每日兩人隨仗待制供奉及宿衛官不在此例至開元十四年七月詔曰比令百官更直待制期於謹議時納箴規不聞一言甚無謂也凡百僚庶宜體朕懷各盡昌言以副虛佇於是太子左庶子吳兢等各上疏極言得失

永泰元年三月一日勅惟政之難非賢物又必稽於衆允執其中實仗群材用弘庶績朕以國步未康朝經或闕思與文武蓋臣咨謀善道尚書左僕射冕右僕射英

又太子少傅導慶太子少保兼御史大夫志直太子詹事兼御史大夫臧希讓左散騎常侍楊瓘檢校刑部尚書王昂檢校刑部尚書崔渙吏部侍郎李季卿王延昌禮部侍郎賈至杞王傳吾令珪等並集賢待制

大曆十四年六月八月門下侍郎崔祐甫奏伏以先天二年令群臣直日待制以備顧問顧問自今已後准元勅文官一品已下更直待其待制官待奉事官盡然後趨出便於內郎有食待進止至酉時後放陛下閒暇之際時有召問廢或上禪聖政奉勅宜依其待制官每日未時放歸至建中二年五月二日勅宜令中書門下兩省分置待制官三十員仍於見任前資及同正兼試九品已上官中簡擇文學理道兵鋒法度優深者具名聞

奏度支據品秩量給俸錢并置本收利供厨料所須手力什物廳宇等并計料處分左拾遺史館脩撰沈既濟上疏論之曰伏以陛下今日之理患在官煩不患負少患在不問不患無人且中書門下兩省官自常侍諫議補闕拾遺總四十員及常參待制之官日有兩人皆備顧問亦不少矣中有二十一員尚闕人未克^並他思缺職累倍其數陛下若謂見官非才不足以議則當選求能者以待其人若欲廣務聰明畢收淹滯則當擇其可者先補缺員則朝無曠官俸不徒費且夫置錢息利是有司權宜非陛下經理之法今官三十員皆給俸錢幹力厨料什器建造庭宇約計一月不減百萬以他司息利准之當以錢二千萬為之本方獲百萬之利若均本配

人當復除二百戶反復計之所損滋甚當今閔輔大病
皆為百司息錢傷人破產積於府縣實思改革以正其
源又臣常計天下財富賦耗數之大者唯二事焉最多者
兵資次多者官俸其餘雜費十不當二事之一所以黎
人重困軸杼猶空方斯緝熙必籍裁減豈俾閑官復為
冗良籍舊而置尤可苟也若之何加焉疏奏從之
正元元年八月二十八日勅宜令每日待制官各陳所
見一條杖下後封進觀方畧兼補闕拾遺有足匡時固
宜無隱如事煩細非理道所切者不須其年十二月詔
延英視事日令常參官七人對見問以時政有訐忤及
不適事理者悉優容以遣之
三年四月詔常參官各具所見封進每坐日三四人陳

奏利害

七年十月詔自今已後每御延英殿令諸司長官二人
奏本司事俄又令常參官每日二人引見訪以政事謂
之巡對

元和元年四月正衙待制官兩員御史中丞武元衡奏
本置前件官以備顧問比來多不奏事有同虛設又正
元七年更有次對官難議兩置去歲已停今唯以六品
已下清官前例恐非尽善伏請自今已後兼以中書門
下省御史臺拾遺監察御史及尚書省六品諸司四品
已上職事官東宮師傅賓客詹事及王府諸傅等每坐
日兩人待制正衙退後今於延英候對以為常式勅中
書省御史臺官故事並不待制如要論奏但於延英候

對餘依
其年九月詔自今兩省官每日令一人對
二年三月起居舍人鄭隨次對面奉進止令宣與兩省
供奉官自今已後有事則進狀其次對且停
四年十月御史臺奏應諸色請對官及待制自今已後
並令前一日進狀來者伏以延英開日群臣皆不前知
遇陛下坐時方進狀請對或本司各有要事便得聞奏
令遣應候對官前一日進若以尋常公事不假面論但
表章足以陳露儻臨時忽有切務文字不可進言更俟
後坐動踰數辰處置之間便有不及又請狀入之時須
在郊前如後時者聽不收覽依奏
大和二年九月應合待制官御史臺奏舊例諸司官輪

署簿前三日具名銜報臺司前一日具名銜聞奏近皆
通日方報錄奏常恐失時請自今已後如不是先陳牒
請假臨時不署簿者請准朝參不到例一任加罰如併
三度違犯即具名聞奏依奏

開成五年三月勅刑法官朔望不要候對
初二年八月
對刑部郎中統于衆王合大理少卿李常紆等自後朔
望即對刑法官以詳重輕也
至大中三年十月宣待制官與諫官法官循環對


侍讀

開元三年七月勅朕每讀史籍中有闕疑宜選耆儒博
碩一人每日侍讀遂命光祿卿馬懷素右散騎常侍褚
無量更日入
開成元年十一月宰相李石奏太子有侍讀諸王亦曰

侍讀無降殺之禮今後請改為諸王講讀從之
大中十二年四月以諫議大夫鄭章兵部郎中李鄴為
鄴王侍讀居十六宅後數日改充夔王已下五王侍讀
居大明宮仍五日一人乾符門講讀懿宗即位遂寢其

唐會要卷第二十六





書